

# დასავლეთი საქართველო

ს ა ქ ა რ თ ვ ე ლ ო ს ბ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

## ა მ ბ ე ბ ი ს მ ო ლ ო დ ი ნ ო ბ ი

ერთი კვირაც არ დარჩა იმ დღემდე, როცა საბჭოთა კავშირის ყრილობა უნდა გაიხსნას მოსკოვში, და რა საოცარი ცვლილების მოწმე ვართ! გაიხსენეთ გამარჯვების ყიყინა, გასულ ზაფხულს, «დიდი» სტალინის კონსტიტუციის გამო, რომელიც ყრილობამ უნდა დაამტკიცოს, ათასეული «ალტაცებულები» რევოლუციები ქვეყნის ყველა კუთხიდან, და შეადარეთ მაშინდელი «ალტყინება» დღევანდელ სამარისებურ სიჩუმეს! კონტრასტი აშკარაა, შეუდავებელი.

ხოლო რუსის მემარცხენე ემიგრაციაში, ეტყობა, იგივე ალტყინება და ალტაცება გრძელდება. 25 ნომბერი, ყრილობის გახსნის დღე, ნამდვილ ისტორიულ თარიღად ელანდება მათ, მოვლიან რაღაც არაჩვეულებრივ ამბებს, რამაც მათი სანუკვარი რუსეთი ფეხზე უნდა დააყენოს. გადავვგებოდა.

გამსუვალულნი ამ მაღალი გრძნობით, ისინი განსაკუთრებული მოწოდებით მიმართვენ საკავშირო ყრილობას. ერთი ეკუთვნის რუსის მენშევიკებს, მეორე — კერენსკის ორკვირეულ «ახალ რუსეთს», და ორივენი ალგზნებული სიტყვებით მოითხოვენ ადამიანისა და მოქალაქის შელახულ უფლებათა აღდგენას.

როგორ, რა საშუალებით? არა რევოლუციურით, თავის თავად მისახვედრია, ვინაიდან, დანის განმარტებით, ეს იქნებოდა კონტრ-რევოლუცია! «დაკავშირებული ბოლშევიზმთან — ვიკითხულობთ. რუსის მენშევიკების მოწოდებაში — არა მარტო საერთო წარმოშობით და მრავალ წლის ერთად მუშაობით პროლეტარიატის კლასობრივ ორგანიზაციების შესაქმნელად, არამედ სოციალისტური მიზნის ერთობითაც, რუსეთის სოციალდემოკრატია დაშორდა მას რევოლუციურ ბრძოლის მეთოდში და პროლეტარიატის საორგანიზაციო პრინციპებში». როგორც ხედავთ, საერთო მეტი ყოფილა ბოლშევიკებსა და რუსის მენშევიკებ შორის ვინემ გასაყოფი, ბრძოლა მხოლოდ «ამხანაგური» ყოფილა მათ შორის შესაძლებელი. ამიტომ ისინი მიმართვენ ყრილობის დელეგატებს, სტალინის ყურმოჭრილ ყმებს, და მათგან გამოელიან ხსნას.

მეორენი, «ახალ რუსეთის» იმპრესიონისტები, თვით «ქვეყანას» მოუწოდებენ. «უკანასკნელი თვეები — ამბობენ ისინი — საბჭოთა კავშირი უფრო და

უფრო განმარტოებული ხდება. ისინი, ვინც რუსეთის დამხობაზე და დანაწილებაზე ოცნებობენ, უკვე გრძნობენ თავის ძალას, თავის გამარჯვებას... რუსეთი შედის თავის ისტორიულ არსებობის მეტად საშიშარ ხანაში». როგორ ფიქრობს ესერი კერენსკი ამ საშიშროების თავიდან აცილებას? სიტყვით, რა თქმა უნდა. «საარჩევნო ბიოკრატისაკენ» არ მოგიწოდებთო — აცხადებს ის — და მით იმავე ყმებზე ამყარებს თავის იმედებს!

განა გასაკვირია ამის შემდეგ, რომ ყოფილ რევოლუციონერების ეს უქვეშევრდომესი მოწოდებანი უდაბნოსა შინა მღალადებულთა ხმად დარჩება? ეს ხალხი სასწაულის მოლოდინშია და ასევე დარჩებიან ბოლომდის, განმარტოებულნი. ისინი არ მიმართვენ არარუს ერებს და მართალნიც არიან, რადგან მათი «რუსეთი» იგივე ახმახი საბჭოთა კავშირია, რომლის «დანაწილებისთვის» და არა მთლიანობისთვის იბრძვიან ეს ერები.

და ეს ბრძოლა რევოლუციურია, შეუპოვარი, დაუხოველი. მხოლოდ ამ გზით, ამ საშუალებით წაუქცევიათ დესპოტია, მოუპოვიათ თავისუფლება. ამის უტყუარი შედეგია ისიც, რომ საბჭოთა კავშირი «მეტად საშიშარ ხანაში შედის». მას ხიფათი მოელის გარედან, მაგრამ მოსალოდნელია, უფრო ადრე შიგნიდან მოველინოს იგი!

აიღეთ მაგალითისთვის კომუნისტური «მონოლიტური» პარტია, რომელიც სტალინის კონსტიტუციის ხერხემალად, მის სულის-ჩამდგმელად უნდა გამხდარიყო, — რა ხდება მის რიგებში, კიდევ უფრო — მაღალ წრეებში? ერთმანეთს დარევიან, არ ინდობენ, არ ზოგვენ ერთმანეთს, ძმათა ქლექტა გაჩაღებული. ამიტომ 16 ყოფილ მეთაური დახვრეტამ უყურადღებოთ ჩაიარა — მოგვიხტობენ იქიდან მოსული ცნობები — საბჭოთა მოქალაქენი გულგრილად, სიხარულითაც უტყებრიან ყოველი დიურ უფრო მრავალრიცხოვან დახვრეტებს მთელს კავშირში; განა ცოტა დახოცეს ჩვენები, რამდენი მილიონი, ესლა ცოტა თავისიანებიც ამოსწყვიტონ, ჯავრი იყარონ ჩვენთვისო! — ამბობენ ისინი.

რაა მასლობელი მიზეზი ამ ამბებისა? არა იდეური, პრინციპიალური უთანხმოება, თავის თავად ცხადია. ოპოზიციური გამოსვლები, მარჯვნიდან თუ მარცხნიდან, უკვე წარსულს ეკუთვნის; ტრაც-

კიხიცი, რამდენად სახეში გვაქვს საბჭოთა სახლვრები, უბრალო მომიხეხებაა არასასურველ ელემენტების მოსასპობად. ან კი ვის შეუძლია დღეს სტალინის სახელმწიფოში კრიტიკა დასძრას რაღაც იდეურ განსხვავებაზე? პირიქით, სამარისებური სიჩუმეა ყველგან გამეფებული, თვით კრემლის კედლებს შუა წარჩინებულნიც ვერ ბედვენ ერთმანეთს გამოეხმაურონ, ბელადის ყური ერთობ განიერია, კანკალე-ბენ, არ ჩაეწვეთოს...

არა, მიზეზი უფრო ბანალურია, ნივთიერი, ქიშპობა თვით ადგილებზე, გავლენაზე. ყველას ახსოვს, სტალინმა კარგა ხანია აღმოაჩინა ახალი კატეგორია თავადებულთა: «უპარტიო ბოლშევიკები» ანუ «ზნატნები», ვინც ყვლამდე დანტერესებულია რეჟიმის და მის მეთაურის სიცოცხლეში. ფასობს არა პარტიული ბილეთი, არამედ ერთგულობა ბელადისადმი. და თუ პარტიასაც რამე ადგილი უჭირავს კონსტიტუციაში, ეს მხოლოდ იმდენად, რამდენად ერთგული და უსიტყვო ამსრულებელი დარჩდება, რასაც დიქტატორი ბრძანებს.

დგება წუთი, როცა დუალიზმი უნდა ვაპქრეს: ან პარტია, ან სახელმწიფო—აი როგორა სდგას კითხვა. ახალი კონსტიტუციის დედა-აზრი იმაში მდგომარეობს, რომ «უკლასო სოციალისტური» სახელმწიფო ვერ ითმენს პარტიულ თვითნებობას, ყველანი, პარტიულნი და უპარტიონი გათანასწორებულნი არიან უუფლებობაში, მონობაში, მათზე გაბატონებულია დიქტატურა არა «პროლეტარიატისა», არამედ პიროვნული, თვით ბელადის, რომლის სიტყვა უზენაესი კანონია, ხოლო საქმე—მიულწეველი გმირობა.

ჯერ არ ვიცით, მაგრამ ყრილობა გვაჩვენებს, მოსურვებს თუ არა სტალინი პარტიიდან სახელმწიფოში გადაბარგდეს, ჩაუდგება თუ არა უკანასკნელს ფორმალურად სათავეში, როგორც უკვე უდგას ფაქტიურად. ან შეიძლება ის დარჩეს პარტიის სულიერი მამაც და სახელმწიფოს ძლივამორტმული, როგორც ოდესმე წითელი სულთანი და ხალიფი. ყოველ შემთხვევაში, სასწორი სულთანისკენაა გადახრილი, ხმალი ან უკეთ ნაგანი სწყვეტს კითხვას, გეპუე ანადგურებს პარტიას და იქ ხომ სტალინმა ექოვიც ჩააყენა, მაშასადამე, პარტიიდან სახელმწიფოს სამსახურში.

მაგრამ სახელმწიფოს მარტო გეპუე ვერ უშველის, საჭიროა სამხედრო ძალა და ის ეხლა ხომ გადამწყვეტ როლსაც თამაშობს. როცა დიქტატურა დესპოტიურ ტერორისტულ სახეს იღებს, რომლის წინაშე ყველა და თვითელი თრთის, ცხადია, ჯარი მის დასაყრდნობ ძალად უნდა იქცეს. მაგრამ ამის უზრუნველყოფა შეიძლება იმ შემთხვევაში, თუ ბელადი თვითონ გახდება მისი მთავარი სარდალი და მთელს მხედრობას თავის უშუალო კონტროლს დაუშორჩილებს. ტყუილია არ ატარებს სტალინი ფარაჯას, იქნება ესეც იკისროს! თუ არა, მაშინ სამხედრო დიქტატურა მის გარეშე თითქო გარდაუდარი ხდება და აქედან მთელი კონსტიტუცია და მასზე აგებული ხელისუფლება საპნის ბუმუს დაემზგავსება.

ეს მით უფრო, რომ სწორედ სამხედრო ძალაა დღეს მოწოდებული, სძლიოს ის საბედისწერო ხიფათი, რომელიც საბჭოთა კავშირს ემუქრება გარედან. სტალინის ორმაგმა პოლიტიკამ უკვე მოიტანა თავისი ნაყოფი. მრისხანე ანტიკომუნისტური ბლოკი სამი დიდი იმპერიისა—გერმანია, იაპონია, იტალია—უკვე ხალასი ფაქტი ხდება.

ომისათვის თითქო საბაბიც მონახულია: ისპანიის სამოქალაქო ომი, რომლის ნაკვერჩხალი შეიძლება დასავლეთში დაგროვილ თოფის წამალს დაეცეს. ეს იქნებოდა უკანასკნელი შანსიც მოსკოვისთვის, რადგან ამ შემთხვევაში საფრანგეთი და მისი მოკავშირენი, აგრეთვე ინგლისიც, უნდათ არ უნდათ. მის მხარეზე დაირაზმებოდენ. ვინ არ იცის, ლონდონის ჩაურევლობის კომიტეტი უბრალო ფარსი გამოდგა: ერევიან, ვისაც არ ეზარება. მეორეს მხრივ, ახალი ლოკარნო თანდათან ბურჟუისი ეხვევა. თუ ომს ვერ ავიცდენ, რამდენად უფრო ხელსაყრელია «დემოკრატიული ბლოკი» ჩემს გვერდით იყოსო—სწორად მსჯელობს მოსკოვი.

მაგრამ მას მეორე საიდუმლო ზრახვაც ასულდგმულებს. მეორე დიდი ომი ნამდვილი მეხი იქნებოდა დასავლეთისთვის, ხალხები ვერ აიტანდენ მის სიმძიმეს და საგარეო ომი საშინაო ომად იქცეოდა! ხოლო სამოქალაქო ომი სანატრელი ნიადაგია ბოლშევიზმის ექსპანსიისათვის. ამიტომ კომუნისტურ პარტიის უბრალო მოხელეთა ხროვად ქცევაა შინ, კიდევ არ ეზნავს მის და კომინტერნის თარეშის ალაგმვას გარედ. ისინი გააგრძელებენ მეორე ინტერნაციონალის და მის ზოგიერთ სექციების თვალის ახვევას, ხალხსნურ ფრონტების წახალისებას და სხ., რითაც ძალზე აახლოვებენ კონფლიქტს ანტიკომუნისტურ ბლოკთან.

როგორც ხედავთ, საერთაშორისო ვითარება თან და თან მწვავდება, ისლართება და ომის აჩრდილი ყველას თვალწინ უდგას. აი რა დროა იკრიბება საბჭოთა უკანასკნელი ყრილობა. ის, როგორც ჩვეულებრივ, «კაზიონი» იქნება გარეგნულად, სიტყვები და რეზოლუციები წინასწარ შეთითხნილია ბელადის სამხარეულოში, მაგრამ ეს კიდევ არ ეზნავს, რომ კრემლი აცდება ნაწილად მის მიერ გამოწვეულ, კარზე მოწოლილ ქარტახილის გავლენას. რა ითქმის სცენიდან ერთია, ხოლო რა მზადდება კულისებში—მეორე.

სტალინმა უკვე აიღო ხაზი, სპობს მეტოქეთ—პროცესები და გაუხამართლებელი ხვრეტანი ამის მაჩვენებელია—. მაგრამ კიდევ დარჩენ ისინი, განსაკუთრებით სამხედრო მაღალ წრეებში. ტერორი და სამარისებური სიჩუმე, რომელსაც ხმელეთის მეექვსედი მოუცავს, კარგის მომასწავებელი არ არის. საცაა გასქდება, ან შეიძლება ტოტალურ სახელმწიფოს, პირწავარდნილ სამხედრო დიქტატურის წინა დღეებში ვცხოვრობთ.

დღევანდელ მომენტის რევოლუციური ამოცანა იმაში მდგომარეობს, რომ ეს არ მოხდეს. რუსის გალებობაზე დაყრდნობილი სამხედრო დიქტატურა განუზომელ საშიშროებას წარმოადგენს არარუს ერებისთვის.

### მართა ლივის კამბა და კავკასიის მრეხი

მემორანდუმი კავკასიის პრეზიდენტისათვის  
(დასასრული)

კავკასიის საკითხს დიდი მნიშვნელობა აქვს საერთაშორისო თვალსაზრისით. კავკასიის ისტორი წარმოადგენს ყველაზე უფრო მოკლე და იოლს გზას ევროპასა და ცენტრალურ აზიას შორის. ჯერ კიდევ ძველად იყო იგი გზა-ჯვარედინი სხვადასხვა ერების შესახვედრად, მათი ნაწარმოებების ერთიმეორეზე გადასაცვლელად და აღმოსავლეთ დასავლეთის ცივილიზაციის დასაკავშირებლად. ერთი პრივილეგიური მდებარეობა, რომელიც აკავშირებს კავკასიას ერთი მხრით შავი ზღვით და სრუტეებით ხმელთა შუა ზღვასა და ოკეანებთან და მეორე მხრით კასპიის ზღვით და რკინის გზებით თურქეთთან, სპარსეთთან და სხვებთან, მისცემდა მას საშუალებას ახლაც განეგრძა თავისი როლი ორი ხმელეთის შემაერთებელისა, რომ წინ არ გადაღობებოდა წითელი იმპერიალიზმი და არ მოეწყვიტა იგი დანარჩენ ქვეყნიერებას.

სააქოთარეყიმის დამყარებამდე, იმპერატორთა რუსეთმა ხელი დაადგა კავკასიას არა მარტო მისი ბუნებრივი სიმდიდრისათვის, რომელიც თვითონაც ბევრი მოეპოვებოდა, არამედ უმთავრესად იმიტომ, რომ უნდოდა მისი გამოყენება პლაცდარმად თავის ექსპანსიისათვის მცირე და ცენტრალურ აზიაში. მაგრამ რუსეთი მიხვდა, რომ საკომერციო სფეროში დასავლეთს კონკურენციას ვერ გაუწევდა, და გადაწყვიტა ამ კავკასიის დიდი სატრანზიტო გზის დაკეტვა. ამან გამოიწვია ის, რომ ძველმა დიპლომატიამ აიძულა რუსეთი 1878 წ. ბერლინის ხელშეკრულებით ბათუმში თავისუფალი პორტი დაეწესებია. ხოლო რუსეთმა 1888 წ. ეს წესი გააუქმა და დიდი საბაჟო გადასახადების საშუალებით სრულებით დაკეტა მაინც ეს ნავთსადგური ევროპიულ საქონლისათვის.

ამგვარ საბაჟო პოლიტიკის მიზნით კავკასია, სპარსეთი, თურქისტანი, ბუხარა და ცენტრალურ აზიის სხვა ქვეყნები მოწყვეტილნი არიან დიდს ევროპიულს ბაზარს და ინგლისურ, გერმანულ, ფრანგულ და სხ. უკეთეს ღირსების და უფრო მისაწოდებლად ფასების ნაწარმოების ნაცვლად ხსენებული ქვეყნები რუსეთმა აავსო თავის მდარე ღირსების და ძვირის საქონლით. ამავე დროს მძიმე საექსპორტო პირობებისა გამო ევროპის სახელმწიფოებმა თითქმის სრულიად გაანებეს თავი პირველსაქიროების საკნების გამოტანას კავკასიიდან და ცენტრალურ აზიიდან.

როდესაც ევროპის სახელმწიფოები მოიპოვებენ კალონებს, იყენებენ მათ ბუნებრივ სიმდიდრეს და აწყობენ აქტიურ გაცვლა გამოცვლას მეტრაპოლსა და კალონებს შორის, რუსეთმა კი, რომელიც უყურებდა ძველი ცივილიზაციის და დიდი სიმდიდრის კავკასიას, როგორც თავის კალონიას, სრულებით ვერ შესძლო ასეთი სარგებლობა მოეტანა მისთვის.

მაგალითად რუსეთი არ დაინტერესდა კავკასიის ქვა ნახშირით, რადგან თვითონაც ბევრი ჰქონდა ჩრდილოეთში; არ ესაქიროებოდა მარგანეცი, რომლის მილიონი ტონი გადიოდა ევროპასა და ამერიკაში და რუსეთი კი ათას ტონს ძლივს ხარჯავდა; იგი ყურადღებას არ აქცევდა სპილენძის, რკინის და სხვა მადნეულობის ექსპლოატაციას და თუ ცოტა რამ გაკეთდა ამ დარგში, ფრანგების, გერმანელების და ინგლისელების წყალობით; რუსეთმა ვერ გამოიყენა კავკასიის მდიდარი ტყეები, რადგან კაპიტალების უქონლობისა გამო საკუთარ ტყეებსაც ვერ სარგებლობდა; ხელს არ უწყობდა აბრეშუმის წარმოებას, რომელიც თითქმის სულ ევროპიელებს, განსაკუთრებით იტალიელებს და ფრანგებს გაქონდათ; არა გაკეთებულა რა თეთრი ნახშირის გამოსაყენებლად, რომლის გამოსავალი ძალიან დიდია.

ერთი საუკუნის ისტორია ნათლად გვიჩვენებს, რომ რუსეთი არა თუ ეხმარებოდა კავკასიას, არამედ პირიქით, სთვლიდა მას კონკურენტად ზოგიერთ დარგში და ყოველნაირად აბრკოლებდა მის ეკონომიურ და კომერციულს განვითარებას.

რუსეთს არ ჰქონდა თანხები და არ შეეძლო რამე დაეხარჯა კავკასიაზე. ცნობილია მაგალითად, რომ რუსეთის კომერციული ბანკების სათადარიგო ფონდები 1914 წ. უდრიდა 585 მილ. ოქროს მანეთს და ამაში 434 მილ., ე. ი. 74 პროცენტი ეკუთვნოდა ფრანგებს, გერმანელებს და ინგლისელებს; სამეტალურგო ინდუსტრიაში 439 მილიონიდან 346 მილ. ე. ი. 87.9 პროც. იმყოფებოდა უცხოეთის ბანკების კანტროლს ქვეშ; ქვა-ნახშირის წარმოებაში 199 მილიონიდან 149 (75 პროც.) იყო უცხოელების, ბაქოს ნავთისაში 272 მილიონიდან 288 მილ. (82 პროც.) ეკუთვნოდა ამავე უცხოელებს და სხ.

საგულისხმეოა, რომ რუსეთს თითქმის არავითარი კაპიტალი არ ჰქონდა ჩადებული კავკასიაში, მაგრამ სხვადასხვა სახით დიდს სარგებლობას ღებულობდა იქ დაბანდებულ უცხოურ კაპიტალებსაგან. კიდევ მეტი, კავკასია ფინანსურად აძლევდა რუსეთს მეტს, ვიდრე მას უღირდა. აი შემოსავლის და ხარჯების ციფრები მარტო ამიერ-კავკასიისთვის უკანასკნელ სამი წლის განმავლობაში დიდ ომამდე:

1911 წ.	შემოსავალი	88.974.000.	ხარჯები	82.568.000.
1912 წ.	„	95.900.000.	„	94.431.000.
1913 წ.	„	110.484.000.	„	103.438.000.

თუ ასე მძიმედ აწვა წარსულში რუსეთის უღელი კავკასიის ერებს, როგორ-ღა უნდა იყოს მათი მდგომარეობა ახლანდელი რეჟიმის დროს! მოსკოვის ხელისუფლებამ პირდაპირ კონფისკაცია მოახდინა ყველა სიმდიდრის და ყოველი წარმოების და მონებად გადაქცეულ მცხოვრებლებს არ გააჩნიათ

არავითარი კერძო საკუთრება და არ შეუძლიათ გამოიჩინონ რაიმე ინიციატივა ან ეკონომიური მოქმედება.

ეს მოკლე მიმოხილვა კავკასიის მდგომარეობისა გეოგრაფიული, ეკონომიური და პოლიტიკური თვალსაზრისით აშკარად ამტკიცებს, რომ კავკასიის ერებს აქვთ სრული შესაძლებლობა, იარსებონ დამოუკიდებელ სახელმწიფოებად და მიიღონ მონაწილეობა ორივე კონტინენტის ქონებრივ-გონებრივ განვითარებაში.

მაგრამ დამოუკიდებელ კავკასიას განსაკუთრებული მნიშვნელობა აქვს მშვიდობიანობისათვის. არ უნდა დავივიწყოთ, რომ რუსეთის იმპერიალიზმი ყოველთვის იყენებდა და დღესაც იყენებს კავკასიას მდებარე ინტრიგებისა და დამპყრობ ომებისათვის მცირე და ცენტრალურ აზიაში. ცხადია, რომ დამოუკიდებელი კავკასია იმავე როლს შეასრულებს ქვეყნის ამ ნაწილში, როგორსაც ასრულებს ევროპაში შვეიცარია. თავის ბუნებრივ სიმაგრეების და მამაცი მეომარი ხალხის წყალობით კავკასია შესძლებს დაიცვას საყოველთაო მშვიდობიანობა და ემსახუროს მის საქმეს.

თუ მივიღებთ მხედველობაში კავკასიის მკვიდრთა საერთო რიცხვს 10 მილიონს, ამის მიხედვით კავკასიის ოთხ რესპუბლიკას შეუძლიათ მშვიდობიანობის დროს გამოიყვანონ ასი ათასი კარგი მეომარი, ხოლო ომის დროს ერთი მილიონი. ამ რაოდენობის გადიდება შეიძლება საჭიროების მიხედვით.

მეფეთა რუსეთის ბატონობის ქვეშ ყოფიერებაში ზოგს უკვე აღდგენილი აქვს თავისი სუვერენობა, დანარჩენებიც უტყდიათ, რომ მათი დროც მოვა აუცილებლად, რადგან დაჩაგრული ერები დაუნდობლად განაგრძობენ ბრძოლას თავისუფლებისათვის. სახელმწიფოებს და მთავრობებს, რომელთაც საჯაროდ გამოაცხადეს ერთა თვითგამორკვევის პრინციპი, არ შეუძლიათ გამონაკლისი დაუშვან საბჭოთა კავშირისათვის, რომლის მართველობა ემყარება ძალადობას და ტერორს. მრავალი ფაქტია იმის მაჩვენებელი, რომ სახელმწიფოები არ უყურებენ ინდიფერენტულად წითელ ჯარების მიერ კავკასიის რესპუბლიკების ოკუპაციას, რომელთა დამოუკიდებლობა თვით იცნეს.

გენუის და ლოზანის საერთაშორისო კონფერენციებზე, მაგალითად, მოსკოვის დელეგაციას არ მისცეს უფლება კავკასიის ერების წარმომადგენლობისა. ლოზანის ხელშეკრულებით გათვალისწინებულ სრუტეების საკანტროლო კომისიაში (პარაგ. 10, მუხ. 3) ადგილები შეენახათ საქართველოს და უკრაინას, როგორც შავი ზღვის სანაპირო სახელმწიფოებს.

1922 და 1924 წ. ერთა ლიგის მესამე და მეხუთე საერთო კრებებმა გამოიტანეს დადგენილება, რომელიც ამბობს: «კრება მოუწოდებს საბჭოს ყურადღებით ადევნოს თვალი ქვეყნიერების ამ კუთხის (საქართველოს) ამბებს, რათა ისარგებლოს ყოველივე შემთხვევა, რომელიც კი მიეცემა, და დაეხმა-

როს მშვიდობიანის ზომებით და საერთაშორისო უფლების წესების თანახმად ამ ქვეყანას ნორმალურ მდგომარეობის დასაბრუნებლად».

ინგლისმა და საფრანგეთმა რომ ს. ს. რ. კავშირი იცნეს, თავიანთ აქტებში გააკეთეს რეზერვი, რომ სცნობენ ს. ს. რ. კავშირს, «როგორც მთავრობას de jure რუსეთის ყოფილ იმპერიის იმ ტერიტორიებზე, რომლებიც აღიარებენ მის ხელისუფლებას» (ინგლისური ტექსტი), «სადაც მისი (მთავრობის) ხელისუფლება მიღებულია მკვიდრთა მიერ» (ფრანგული ტექსტი).

თვით ს. ს. რ. კავშირის კონსტიტუცია—თუმცა იგი სინამდვილეს არ ეთანხმება—ემყარება ერთა თვითგამორკვევის პრინციპს, რომლის ძალით ყოველ ერს, რომელიც შესულია კავშირში, შეუძლია თავის ნებით გავიდეს იქიდან, როდესაც მოისურვებს (პარაგრ. 4). ეს პრინციპი მიღებულია ახალი კონსტიტუციის პროექტშიც, ამიტომ სიტყვიერად საბჭოთა კონსტიტუცია ერების უფრო თავისუფალი კავშირია, ვიდრე ფედერაცია ან კონფედერაცია, სადაც გასვლის უფლება შეზღუდულია.

ზემო ნათქვამს მნიშვნელოვანი დასკვნა უნდა გაუკეთდეს: ს. ს. რ. კავშირის დამონებული ერების საკითხი სრულებით არაა შინაური საქმე, ამიტომ სომხეთს, აზერბაიჯანს, ჩრდილო კავკასიას და საქართველოს უფლება აქვთ, მიმართონ სახელმწიფოებს და მთავრობებს მათი სუვერენობის აღდგენისათვის «მშვიდობიანი გზებით და თანახმად საერთაშორისო უფლების წესებისა», როგორც ეს გამოაცხადა საქართველოს მიმართ ერთა ლიგის 50 წევრმა—სახელმწიფომ.

კავკასიის ერები თავის საქმის გამარჯვებას ამყარებენ თავიანთ ძალასა და მუშაობაზე, თავიანთ კავშირზე დამოუკიდებლობისა და კონფედერაციის დროშის ქვეშ.

ეს ერები ცდილობენ, გამოჩანონ ძმური მეზობლობის საშუალებანი და პირდაპირი თანამშრომლობის, რომელიც უზრუნველყოფს თითოეულის მათგანისათვის სრულს ეროვნულ განვითარებას და ყველასათვის საგარეო უშიშროებას.

კონფედერაციის პაქტი, რომელიც თავის დროზე წარედგინა სახელმწიფოთა მთავრობებს და ერთ-ერთს ამ მოხსენებას, წარმოდგენს კავკასიის ერების ძმური თანამშრომლობის იურიდულს ბაზას. ერთი პოლიტიკური და საბაჟო საზღვარი, ერთი დიპლომატიური წარმომადგენლობა, ერთი სარდლობა და სავალდებულო არბიტრაჟი სადავო საკითხებისათვის—ი მთავარი დებულებანი კავკასიის მომავალი კონფედერაციისა.

ახლო წარსულის მწარე გაკვეთილებით გამოცდილი, წმინდა კავშირში თავმოყრილ შვილების გმირულ აქტებით გამხსნეველნი, კავკასიის ერები განაგრძობენ განმათავისუფლებელ ბრძოლას თავიანთ დამოუკიდებლობის აღსადგენად და დარწმუნებულნი არიან, რომ მათ ბრძოლას უფლებისა და სამართლისთვის შეეგებება განათლებული კაცობრიობის დახმარება და თანაგრძობა.



### დაჩაგრული ერების მიმართ

ერთა ლიგის მე-17 კრების თავმჯდომარეს

ბ. თავმჯდომარე. გამოჩენილი სახელმწიფო მოღვაწე დღეს ყოველ ღონეს ხმარობენ მშვიდობიანობის დასაცავად და იმ საკითხების გადასაჭრელად, რომელნიც ერებს ერთმანეთს აშორებენ, ამ დროს ჩვენს მოვალეობად მიგვაჩნია, თქვენნი აღმატებული ერის ყურადღება მივაქციოთ იმ გარემოებას, რომ შეუძლებელია ხსენებული საკითხების გადაწყვეტა აღმოსავლეთ ევროპაში, თუ მხედველობაში არ იქნა მიღებული ჩვენი ერების მდგომარეობა და ინტერესები, ამ ხანად ეს ერები საოკუპაციო ხელისუფლების წყალობით მოწყვეტილნი არიან საერთაშორისო მოქმედებას, ხოლო მათი მტკიცე გადაწყვეტილება დაიბრუნონ თავისუფლება და ურყევი ბრძოლა დამჩაგრელის წინააღმდეგ ამტკიცებს, რომ ისინი არ ჰკარგავენ ღონეს და შესძლებენ, რომ მთელმა ქვეყნიერებამ იცნოს მათი მისწრაფება დამოუკიდებლობისა და სამართლის.

ჩვენ გვინდა ვიფიქროთ, რომ ერთა ლიგის რეფორმის საკითხის განხილვის დროს მიღებული იქნება ის პრინციპი, რომ ეს მაღალი დაწესებულება არ იქნეს ერთსა და იმავე დროს ზოგი ერის დამოუკიდებლობის დამცველი და ზოგის დამონების თავმდები. გვინდა ვირწმუნოთ, ერთა ლიგა, რომელიც გამსუვალულია მთელ დედამიწაზე მშვიდობიანობის დამყარების აზრით, არ დაივიწყებს ამასთანავე მაღალს მიზანსაც, რომ ერთა შორის დამკვიდრდეს სამართალი.

1934 წ. ერთა ლიგაში ს. ს. რ. კავშირის მიღებამ საუბედუროდ აშკარად დაუპირისპირა ლიგა საკუთარ პრინციპებს. თუ ზოგიერთის კეთილშობილური ხმა თვით ლიგაში გამოეხმაურა ჩვენი ერების პროტესტებს ჩვენი დამჩაგრელის ერთა ლიგაში მიღების წინააღმდეგ, დანარჩენი წევრები ფიქრობდნენ, რომ ს. ს. რ. კავშირის ლიგაში მიღებით აიძულებდნენ მას, მშვიდობიანი საშუალებით დაეკმაყოფილებია დაჩაგრული ერები. 1935 წ. სექტ. 19 ს ქვემო ხელის მომწერლებმა ლიგის მეთქვესმეტე კრების ყურადღება მიაქციეს იმ გარემოებას, რომ მოსკოვს ოდნავად არ შეუცვლია თავისი რეჟიმი ჩვენი ერების მიმართ, თუმცა და ერთი წელიწადია ლიგის წევრად ითვლება. ჩვენ ხაზგასმით აღვნიშნეთ, რომ ჩვენი ერების მდგომარეობა პირიქით უფრო გაუარესდა. დღეს 1936 წ. ეგვე უნდა განვიმეოროთ მეტი დაყენებით.

თუ მასობით არ წყდება სიმშობისაგან ხალხი ს. ს. რ. კავშირში, როგორც 1933-34 წლ., მაინც მთელი იქაური მოსახლეობის მდგომარეობა სრულიებით ნორმალური არაა, განსაკუთრებით შეუძლებელია დაჩაგრული ერების მდგომარეობა ან სულიერი ან ქონებრივი შევადართო დასავლეთის ან ცენტრალურ ევროპის რომელიმე ქვეყნის მოსახლეობის მდგომარეობას. ვისაც უნდა ირწმუნოს დამშვიდება ს. ს. რ. კავშირში, იგი გვერდს ხომ ვერ აუქციებს

ისეთ დიდ მოვლენას, როგორც იყო პროცესი 18 ბლოშევიკის—ზინოვიევის, კამენევის და სხ., რომელთაც დააბრალეს მონაწილეობა თვით სტალინის წინააღმდეგ მიმართულ ტერორისტულ მოქმედებაში, სიკვდილი მიუსაჯეს და დახვრიტეს კიდევ. იმ დამიანების ასეთმა დასჯამ, რომლებიც ერთ დროს ყოვლის შემძლებელნი იყვნენ ს. ს. რ. კ-ში და წევრები პირველი «პოლიტ. ბიუროსი» ლენინის თავმჯდომარეობით, საშინელი შთაბეჭდილება მოახდინა მთელ მოსოფლიოში, რომელიც უკვე იწყებს იმის მიხვედრას, რომ ამ რეჟიმს, მიუხედავად მისი 19 წლის არსებობისა, მხოლოდ ტერორი ამაგრებს. მოსკოვის მესვეურები, რომელნიც ყველგან სოციალურ არეგდარევეს და უკიდურესად გამწვავებულს სამოქალაქო ომს იწყებენ, თავის გუშინდელ ამხანაგების წინააღმდეგ მიმართავენ იმავე მეთოდებს, როგორც სხვა ქვეყნების «ბურჟუაზიის» წინააღმდეგ. ამ ბარბაროსული აქტით მოსკოვს უნდა დაეჩვენებია საბჭოთა კავშირის მთელი მოსახლეობისთვის, რომ ასეთივე სიმკაცრით იქნება ჩახობილი ყოველი წინააღმდეგობა და ამბოხება. ამ დახვრეტებს მოყვება სიური დაქვრები და დატუსაღებანი როგორც უკრაინაში, ისე კავკასიასა და თურქისტანში. მიუხედავად დრაკონულ ზომებისა, ამბოხების მოვლენებს აღვილი ჰქონდა საბჭოთა სხვადასხვა ნაწილებში, განსაკუთრებით უკრაინაში. საბჭოთა პრესა თვითონ აღნიშნავს შეტქმულობას კომუნისტურ პარტიის ორგანიზაციებსა და მთავრობის დაწესებულებებში. ამგვარად სტალინს, რომელსაც ტერორის ქვეშ ჰყავს მთელი ხალხი, ტერორით ემუქრება მოძრაობა, მიმართული როგორც მისი პროპაგანდის. ისე თვით კავშირის არსებობის წინააღმდეგ.

მაგრამ რათა დააძინოს ერთა ლიგის სინდისი და დააწყნაროს ს. ს. რ. კავშირის მოსახლეობის სიძულვილი, სტალინმა გამოაქვეყნა საბჭოთა ახალი კონსტიტუციის პროექტი. ეს პროექტი დიქტატორის ხელქვეითებმა გამოაცხადეს «ყველაზე უფრო დემოკრატიულად დედამიწაზე». ჩვენ არ შეეუდგებოთ აქ ამ დოკუმენტის საზოგადო განხილვას, ხოლო არ შეგვიძლია ზემო ნათქვამს არ დავუპირდაპიროთ ერთი ფაქტი, რომ პროექტი აბაქტანებს მართლ ერთს სპარტიას, კომუნისტურ პარტიას (იხ. პარაგ. 126 და 141), რომელსაც ს. ს. რ. კავშირის არც ერთ კუთხეში არა აქვს არავითარი მორალური ავტორიტეტი და რომლის გავლენა ემყარება მხოლოდ გეპულს ტერორს. პროექტი სპობს ყოველს ოპოზიციას და ამით სრულიად საეჭვოდ ხდის ყველა მის მიერ გამოცხადებულ თავისუფლებას, რომლებიც ქალაქდღე დღესაც არსებობენ საბჭოთა რესპუბლიკებში. «მუშათა და გლეხთა ქვეყანაში» გავიყვაც კი აკრძალულია და ახალს კონსტიტუციას ამ მხრივ არავითარი ცვლილება არ მოაქვს: «მუშათა და გლეხთა» მთავრობა წარბეუხრელად გაგზავნის ციმ-

ბირჟი მუშებს, რომელნიც განიზრახავენ გაფიცვის მოწყობას.

ხოლო ჩვენთვის მთავარია, ითვალისწინებს თუ არა ახალი კონსტიტუცია რაიმე ცვლილებას იმ ქვეყნების მდგომარეობაში, რომლებიც იმყოფებიან მოსკოვის სამხედრო ოკუპაციის ქვეშ. ჩვენ შეგვიძლია გადაჭრით ვსთქვათ, რომ ვითომდა თავისუფალ რესპუბლიკების კავშირის კონსტიტუციის პროექტი ამყარებს სასტიკს ცენტრალიზაციას და სრულიად უქვემდებარებს ჩვენს ერებს მოსკოვის ხელისუფლებას.

დავასახელებთ მართლ უმთავრეს ფაქტებს: თუ დღეს ს. ს. რ. კავშირის აღმასრულებელ კომიტეტში წარმოდგენილია ყველა შვიდივე რესპუბლიკა, რომლებიც შეადგენენ კავშირს, ახალი კონსტიტუციის «უმალესი საბჭოს პრეზიდიუმი», რომელიც ნამდვილად იქნება მართველი კავშირისა, ისეთნაირადაა შედგენილი, რომ არავითარი გარანტია არ ეძლევათ წევრ-რესპუბლიკებს, იყოლიონ იქ თავიანთი წარმომადგენლები. პროექტი აუქმებს კომისარიატების მეტ წილს, რომლებიც დღეს არსებობენ ცალკე რესპუბლიკებში. ამ რესპუბლიკებს უტოვებენ მხოლოდ ოთხს უმნიშვნელო კომისარიატს, რომლებიც არსებითად უნდა ემორჩილებოდენ ცენტრალურს ხელისუფლებას.

გამგებლობა, განაწილება და შეკრეფა გადასახადებისა პროექტით ეკუთვნის მხოლოდ ცენტრალურ მართველობას, რაიც რასაკვირველია მეტად სახიანოა ცალკე რესპუბლიკებისთვის. მივლი საგარეო კომერცია და სამრეწველო და სავაჭრო გეგმები გადაცემულია მოსკოვზე. თვით სოფლის მეურნეობა — ეს არსებითი ნერვი საბჭოთა ქვეყნების —, სასურსათო პროდუქტების განაწილებაც მოსკოვის ხელშია მოქცეული.

ყველაფერი ეს უსპობს კავშირის ცალკე რესპუბლიკებს თვით მათი არსებობის საფუძველს. რაიც საბოლოოდ გადააქცევს კავკასიას, თურქისტანს და უკრაინას მოსკოვის კალონიებად. ის საბატონო როლი, რომელსაც ანიჭებს ახალი კონსტიტუცია კომუნისტურ პარტიას, კიდევ მეტად ამჟღავნებს პროექტის ცენტრალისტურ მისწრაფებებს: კავშირის ერთად ერთი და ყოველის შემძლებელი პარტია, რომელიც ექვემდებარება ერთს მეთაურს, სტალინს, ნებას მისცემს მოსკოვს, ერთის რკინის ხელით მართოს ყველა დაკავებული ქვეყანა — კავკასია, თურქისტანი და უკრაინა, დაუმორჩილოს ცენტრალისტურ წესწყობილებას სხვა ერებიც, რომლებიც აგრეთვე მიისწრაფვიან თავისუფლებისაკენ — ვოლგის, ურალის და ყირიმის თათრები, თეთრი რუსები, კორეელები, ყაზახები. ყველა ეს ერი, რომელთა რიცხვით თვით საბჭოთა სტატისტიკით შეადგენს ს. ს. რ. კავშირის მოსახლეობის ნახევარს, იძულებულია დაიცვას არა თუ თავისი პოლიტიკური და ეკონომიური თავისუფლება, არამედ ჩამოაშოროს დამჩაგრელის ხელი ყველაფერს იმას, რაც წმინდა-

თა-წმინდას წარმოადგენს ყოველი ერისათვის: სარწმუნოებას, ეროვნულ ტრადიციებს და თვით სულს ერისას — ენას, რომლის გადამახინჯებას ყოველი საშუალებით ცდილობენ მოსკოველი ბატონები.

ამრიგად, წინამდებ ბოლშევიკების პროპაგანდისა, მოსკოვის მიერ დაჩაგრულ ერების მდგომარეობა სრულყოფილ არ გამოცვლილა. ეს ერები განაგრძობენ ბრძოლას განთავისუფლებისათვის. უცხოეთის სახელმწიფოები ამძიმებენ იმ ბორკილებს, რომლებიც მოსკოვმა დაადგა ჩვენს ქვეყნებს, როდესაც მხარს უჭერენ ს. ს. რ. კავშირის მთლიანობას, ამაგრებენ ახლანდელ მდგომარეობას, ეხმარებიან მოსკოვს ფინანსურად თუ სხვაფერ. განა ერთა ლიგას შეუძლია დაუშვას ესეთი ვითარება, ეს ეთანხმება განა კოვენანტის პრინციპებს?

ამ სამწუხარო მდგომარეობიდან ერთად ერთი გამოსავალია ის, რომ შესრულდეს ს. ს. რ. კავშირის ახლანდელი კონსტიტუციის მეოთხე პარაგრაფი ან ახალის — მეჩვიდმეტე: ეს პარაგრაფები თავისუფლებას ანიჭებენ ცალკე რესპუბლიკებს, თავის ნებით გავიდნენ კავშირიდან. ცხადია, დღევანდელ პირობებში დაჩაგრულ ერებს არ შეუძლიათ ამის განხორციელება. ხოლო უნდა მოეწყოს ისე, რომ კავკასიის, თურქისტანის და უკრაინის ერებს ექნეთ საშუალება თავისუფლად გამოსთქვან თავისი აზრი თავიანთ ბედის შესახებ. ამნაირად შეიძლება მხოლოდ თავიდან აცდნა იმ სისხლისღმისა, რომელიც ადრე თუ გვიან იფეთქებს დამჩაგრელობა და დაჩაგრულთა შორის. თუ მოსკოვის ხელისუფლება ფიქრობს, როგორც ამას გაიძახის, რომ ეს ერები ბედნიერები არიან და გულწრფელად უერთდებიან მოსკოვს, მაშინ რისილა უნდა შეეშინდეს.

ესეთი მეთოდი ნაწილობრივად გამოასწორებდა იმ მორალურად სახიფათო მდგომარეობას, რომელშიაც ჩავარდა ერთა ლიგა საბჭოების მიღების შემდეგ. ამ გზით შეუძლია მხოლოდ ერთა ლიგას დაამყაროს მშვიდობიანობა სამართლიანი, ე. ი. უშუალო ვინაიდგან ყოველი უსამართლო მშვიდობიანობა შეიცავს მომავალი ომის ჩანასახს. რათა ხელი შეუშალოს უკრაინას, კავკასიას და თურქისტანს დაიბრუნონ თავისუფლება, მოსკოვი ხელს უწყობს ომს და აბრკოლებს ევროპის სახელმწიფოების ესოდენ სასურველს შეთანხმებას. ჩვენ ვიმედოვნებთ, რომ ერთა ლიგა ახალი ენერგიით გაამაგრებს ერთა თავისუფლების პრინციპს და არ მოაკლებს მორალურ დანმარებას იმ ქვეყნებს, რომლებიც გმირულად იბრძვიან თავიანთ თავისუფლებისათვის.

ხელს აწერენ: მირ იაკუბ, ყ. თავმჯდომარე ანერბაიჯანის დელეგაციისა; შახმანი — ჩრდილო კავკასიის ყოფილი მთავრობის წევრი; აკ. ჩხენკელი, საქართველოს ყ. ელჩი საფრანგეთში; ჩოკაი — თურქისტანის ეროვნულ კავშირის დელეგატი; ა. შულგინი — ყ. წარმომადგენელი უკრაინის ერთა ლიგასთან.



მიმართვა ქართველ მიზრაციონალში

იყო დრო და ეს არც ისე დიდი ხანია, რაც ჩვენი ინტელიგენცია ერთობ გულგრილად უცქეროდა ქართულ საკულტურო ნაშთებს და თავს არ იწუნებდა მათი შეგროვებისა და გამოცემისათვის, ამ გულგრილობამ დიდძალი პირველი ხარისხიანი ძეგლები დაგვიკარგა. რაც მამებს თავიანთ ძველ ოჯახებში დაგროვილი ჰქონდათ, შვილებმა დაკარგეს.

ამ უამად ჩვენდა საბედნიეროდ იშვიათია ისეთი განათლებული ქართველი, რომელსაც არ შეეგნოს და რომელიც არ ცდილობდეს ქართულ ისტორიის და ლიტერატურის გაცნობას. ერთგული მიმართულება თანდათან ღვივდება და ეს თავისთავად იწვევს ქართული კულტურის შესწავლას.

ქართული სულიერი, გონებრივი და მატერიალური კულტურა რთულია, მრავალ მხრივია და ბევრ რამეში მეტად თავისებურია, იშვიათია პატარა ერი, რომელსაც ასეთი მდიდარი ძველი კულტურა ჰქონდეს, ამ კულტურამ გადაარჩინა ქართველი ერი მოსპობას უამთა ვითარების აბოზობრებული ქარტინისაგან, მისცა უნარი სიმტკიცისა, გამძლეობისა და ყოველი ჭირის გადატანისა.

ვინც ამ კულტურას ასე თუ ისე არ იცნობს, ის არასოდეს არ იქნება ნამდვილი ქართველი, ჭეშმარიტად ქართული სულის მატარებელი, მას გადაგვარება მოელოს, თუ უკვე გადაგვარებული არ არის. ამიტომ ყველა მოვალე ვართ, ხელი შეუწყოთ ჩვენი კულტურის საფუძვლიანად შესწავლას, რაც პირველ რიგში უნდა გამოიხატოს საკულტურო მასალების შეკრებაში და უკვე შეკრების გამოქვეყნებაში, უამისოდ ჩვენ ვერ შევადგენთ ჩვენი კულტურის ნამდვილ სახეს და ვერ შევიგნებთ მის ცხოველ მყოფელს ძალას, რომელიც იხატებოდა პირველ ყოვლისა მდიდარი ქართული ენის განვითარებაში, სასულიერო და საერო ლიტერატურაში, პოეზიაში, ფილოსოფიაში, სურათ მოძღვრებაში და სხვა ყველა ხელოვნების დარგში, რჯულის და ზნეობის სიმტკიცეში, სოციალურ წყობილებაში, მეურნეობაში, ეკონომიკაში და სხვა.

ქართველთა მიერ ქართული ძეგლების შეკრება იწყება მხოლოდ წერა-კითხვის საზოგადოების დაარსებიდან, ამას ხელი შეუწყო კიდევ საეკლესიო მუზეუმის დაარსებამ და განსაკუთრებით განაცხოველა საისტორიო და საეთნოგრაფიო საზოგადოების დაარსებამ. ესლა მას აგვირგვინებს ჩვენს დროს დაარსებული ქართული უნივერსიტეტი და ხელს უწყობენ ჩვენი მუზეუმები.

კვენწაში ნუვიჩ ჩამომართმევს, თუ ვიტყვი, რომ მე წილად მხვდა სხვებთან ერთად ჩემი სუსტი და მე და მცირე თავისუფალი დრო, სპეციალურ საპედაგოგო მოღვაწეობიდან გადარჩენილი, მთელად შემეწირა ქართული საისტორიო და საკულტურო საგნების და მასალების შეგროვებისათვის, ცნობაში მოყვანისათვის, აღწერისა და გამოცემისათვის. ამ მიზნით ხშირად მიხდებოდა მოგზაურობა

ბა და ექსპედიციების მოწყობა სხვადასხვა საქართველოს კუთხეებში. შეგროვილი დიდძალი მასალა დაკულია ჩვენს მუზეუმებში, მცირე ნაწილი გამოცემულია და ვინც ჩვენს ლიტერატურას თვალს ადევნებდა, დაინახავდა, თუ როგორ შეუწყვეს ხელი ამ გამოცემებმა ჩვენი ისტორიის, ლიტერატურის და ხელოვნების შესწავლას. ხოლო ერთი ნაწილი მასალებისა თანა მაქვს და გამოუცემელი რჩება, საქმე კი საშურია: დრო მიდის, მე მივიწურე აღსასრულისაკენ «ადამის ტომთა წესითა», და ჩემს შემდეგ ამ მასალას თავს ვერავინ გაართმევს. თანა მაქვს სხვათა შორის შესანიშნავი სახურათ მოძღვრო ძეგლების გეგმები სამუსულმანო საქართველოსი და მრავალი ფოტოგრაფიული სურათი, მათ შორის ისეთი პირველ ხარისხიანი ძეგლების სურათებიც, რომელნიც დღეს სამუდამოდ მოსპობილია და მხოლოდ ჩემი აღწერილობა და გადმოღებული სურათები დაარჩენილი, ამით გამოცემას მპირდებოდენ ექვს დიდ ალბომად, მაგრამ ეს იმედი ესლა გაქრა, ამაზედ ოცნებაც მეტია, ვინაიდან ამას, სულ ცოტა რომ ვთქვათ, დასჭირდება ნახევარ მილიონ ფრანკზე მეტი. ისიც დიდი საქმე იქნება, თუ აღწერილობათა ტექსტები გამოვეცით. ეს შეადგენს დაახლოებით 2.000 გვერდს შვა ფორმატის წიგნისას. რასაკვირველია ეს რამდენიმე წიგნად უნდა გამოვიდეს.

ამიტომ გავკადნიერდები, ვინაიდან ეს საზოგადო ქართული საკულტურო საქმეა, და მივმართავ ყველა საზღვარს გარეთ მყოფ ქართველ ორგანიზაციებს და თვითუფლ საზღვარს გარეთ მყოფ ქართველს განურჩევლად პარტიისა, კეთილ ინებო და ვისაც რა შეუძლია, რამდენიც შეუძლია, დაგვეხმარონ ამ საქმეში. ვისაც ეხერხება, ერთდროული თანხა მოგვაწოდოს, ვისაც ეს არ ეხერხება, თვითრად ერთი წლის განმავლობაში ათ-ათი ფრანკი შემოიტანოს, უფრო ხელმოკლეთ შეუძლიათ თვითრად ხუთ-ხუთი ფრანკი გადადვან, რასაკვირველია, ვინც უმუშევარია, მათ ეს მიმართვა არ ეხება. კერძოთ იმ ორგანიზაციებისათვის, რომელნიც განეთებს სცემენ, ჩემი წინადადება არის, ერთი ორი ნომერის გამოცემა შეაჩერონ და მათი ფასი ამ საქმისთვის გადადვან, ამით, მე მგონია, დიდი არაფერი დაშავდება.

მე მოწამე ვარ იმ საოცარი ევოლიუციისა, რომელიც ჩვენში მოხდა ამ საკითხში. თუ პირველ ხანებში ამ დარგში მუშაობის დროს მე სასაცილოდ მიგდებდენ, თავს მესხმოდენ, განსაქიქებელ წერილებს მიძღვნიდენ, საისტორიო და საეთნოგრაფიო საზოგადოების დაარსების შემდეგ მტრული განწყობილება სიმპატიად შეიცვალა. ყველამ დიდი პატივი დამდვა, ძვირად თუ ვისმეს გაუწილებივარ საყურადღებო ხელნაწერების და ნივთების შემოწირვაში, რაშიაც ფულს ვაძლევდით, იმასაც სულ იაფად გვითმობდენ. ათი წლის განმავლობაში დიდი მუშაუმი შევქმენით და მილიონი მანეთის უძრავი მამულები შევიძინეთ. ის ანდერძები, რომელნიც



დაგვიტოვებს აკაკი წერეთელმა, დავით სარაჯიშვილმა, ნესტორ პეტრიაშვილმა, ლუდუშაურებმა და ბევრმა სხვებმა (ხოლო ჩვენ რევოლუციის და ფულის დაცემის გამო ნაკლებათ ვისარგებლეთ), მოწმებენ ძირითად გადატეხას და მტკიცე შეგნებას ჩვენი ძველი კულტურის შესწავლის აუცილებელ საჭიროებისა. ერთი სიტყვით მთელმა საქართველომ დიდი პატივი დაგვდვა და ხელი შეგვიწყო. თუ ასეთი სიმპატია გამოყვა ემიგრაციასაც, მაშინ ეს ჩემი წინადადება, დაწმუნებული ვარ, პატივით იქნება მიღებული. სამწუხაროდ ჩვენი ემიგრაცია დაქსაქსულია პოლიტიკური მიმართულების თვალსაზრისით. ამ საქმეში მაინც შევერთდეთ. იქნება ამ შეერთებამ სხვა დიდ საქმეშიც შეერთება გამოიწვიოს. ღმერთმა ქნას!

ახლო ხანში 50 წელი შესრულდება, რაც მე საპედაგოგო დარგში და ამ დარგში დავიწყებ მუშაობა. ამის გამო ზოგმა ჩემმა ყოფილმა შეგირდებმა მომმართეს წინადადებით იუბილეს მოწყობისა. რაზედაც, რა თქმა უნდა, უარი განვაცხადე, პირველად მიტომ, რომ საუბილეო არაფერი გამიკეთებია, მე მხოლოდ ჩემ ქართულ მოვალეობას ვასრულებდი, მეორედ მიტომ, რომ კიდევაც ღირსი ვიყო იუბილესისა, ჩვენს პირობებში, ემიგრაციაში, იუბილე ვის გაუგონია! არ ეგებინ! იუბილენედ მეტად ჩავთვლი და უფრო სასარგებლოც იქნება, თუ ამ გამოცემათა საშვალეობას მომიხერხებენ.

ნუ ვინ დამწამებს, თითქო მე ჩვენი ემიგრაციის სიღარიბე არ ვიცოდე. არა, ძლიერ კარგად ვიცი, მაგრამ ისიც კარგათ ვიცი, ჩვენში საზოგადო საქმე, თუ რამე გაკეთებულა, ისევ ღარიბი ქართველის ჯიბით და მისი ინტელიგენციის წყალობით. მდიდრები ცოტა გვყვანდენ და ვინც გვყვანდა, ბევრი საიმისო არაფერი გაუკეთებიათ. თუ გული გულობს და ყველანი შევერთდებით, საერთო წვლილითაც ამ საქმეს ეშველება. ეს არის პირველი და უკანასკნელი ჩემი თხოვნა ქართველი ემიგრაციისადმი. ვინც პატივს დაგვდებს და დაგვეხმარება ამ საქმეში, მათ ვთხოვ წინააღმდეგ მიიღონ ჩემი უღრმესი მადლობა და თანაგრძნობა.

პატივისცემით ექვთიმე თაყაიშვილი.

25 ნოემბერი, 1936 წ.

Château de Leuville sur Orge  
par Montlhery. (S. et O.)

P. S. ვთხოვ სხვა ქართულ გამოცემებს გადაბეჭდონ ეს ჩემი მიმართვა.

მ რ ო ვ ე ლ ი ს უ ლ ი

მსოფლიოს ერთი მთლიანი უნივერსალური სული არ დაქროლავს. იგი ეროვნულ სულთა შეჯიბრების სარბიელია. კაცობრიობა ამ ცალკე სულთაგან შეკონილი თიგულია. რამდენად მრავალია ეროვნებათა სახეობა, იმდენად უფრო ლამაზია საკაცობრიო თიგული. ერები ღორძინდებიან, თიგული იფურჩქნება, ყვავის. ერები კნინდებიან, თიგული ზრება. ვინც ერს ებრძვის, რაგინდ განვითარების დაბალ საფეხურზე იდგეს იგი, კაცობრიობის მტერია, პროგრესის მესაფლავეა. ერის მოტრფილე, მისი წარმატებისთვის მზრუნვენი, კაცობრიობის მეგობარია, პროგრესის მამოძრავებელი.

მართალია, ერთა შორის არსებობს ბრძოლები და უხეში შეხლა-შემოხლანი, მაგრამ ამის მიზეზი ერების არსებობა კი არაა,—ცხოვრების ავადმყოფური აწყობაა, მისი აზრის და შინაარსის უკულმართი გაგება. ააწყვეთ ცხოვრება მიზანშეწონილად, იცანით უფლების პრიმატი ძალაზე და ერთა ურთიერთობა ბედნიერად წარიმართება, რადგან უპირველესი და უძირითადესი უფლება არსებობის უფლებაა. ჰქმენი ყველაფერი, რაც შენ მოგიჩინდება, ხოლო არ ავნო შენ მეზობლებს, რადგან მასაც ისეთივე უფლება აქვს არსებობის, როგორც შენ.—აი, საფუძველი ერთა ნორმალურ ურთიერთობის. მკლავაძეობა უწინარეს ყოვლისა თვით მკლავაძესათვისაა მავნებელი. ვინც ხმალი ამოიღო, ის ყოველთვის ხმალითვე წაწყმედილა. ამას ამტკიცებს კაცობრიობის მთელი წარსული.

სიცოცხლემ უნდა სძლიოს სიკვდილს, აზრმა უაზრობას. ამიტომ ერთა და კაცობრიობის ყოფნის და წარმატების სათანადო ფორმულა უნდა გამოინახოს, რომელიც ერთა ურთიერთ განადგურებას, მათი ურთიერთ თანამშრომლობით შეცვლის.

ერი მეტად რთული მოვლენაა. მისი სული, ისე როგორც სხეული მთელ რიგ ფაქტორთა განსაკუთრებული კომბინაციის განსაკუთრებული ნაყოფია. აქ აქტიურად მოქმედებენ: სისხლი, გეოგრაფია, ისტორიული თავგადასავალი, სოციალ-პოლიტიკური წყობა და სხვ. რამდენი ერია, იმდენია ეროვნული სული. არსებობენ: ქართული, ფრანგული, გერმანული, ანგლო-საქსონური და სხვა სულები.

ერის თავისუფლება უწინარეს ყოვლისა მისი სულის თავისებურებაში გამოიხატება. რამდენად უფრო გამოკვეთილია ეს თავისებურება, იმდენად უფრო ერობს ერი.

უხვმა და მრავალფეროვანმა ბუნებამ, მდიდარმა ისტორიულმა წარსულმა შექმნა მეტად მდიდარი და მრავალფეროვანი ქართული ბუნება. ხუროთმოძღვრება, ქანდაკება, სიტყვა კანზული მწერლობა, პუბლიცისტიკა, ხალხურ სიმღერათა კილო, ზნე-ჩვეულებანი, თვით ენა, მისი შინა ბუნება, მისი მორფოლოგია, ერთი სიტყვით, ადამიანის სულიერ აქტივობის ყოველ დარგს ამ ღვთაებრივი თავისებური შემოქმედების ბეჭედი ახის, ეს გარემოება სრულებით არ ნიშნავს, რომ ქართული სული არ





იკარებდეს საკაცობრიოს, უნივერსალურს. წინამდებე, საკაცობრიო იდეალები, უნივერსალური ჭეშმარიტებანი უხვ ნიადაგს ჰპოებენ ქართულ ბუნებაში, მაგრამ ეს ჭეშმარიტებანი ქართული გენიის ქურაში წდებიან, მისი თავისებურობის სახეს იღებენ.

კონკრეტად: ქართველს ახასიათებს მხნეობა, სუსტის გატანა, მძლეოთ ძლეობა, სულის სიმტკიცე, შეუპოვრობა, გამბედაობა, ჭირის ატანა, ლხინის არფარვა, მტერ-მოყვარეთა სწრაფ გამოცნობა, აზრი მახვილი, ბუნება დიდი, ღირსთან ღირსება, თავ დაფასება, სამშობლოს სიყვარული, მისთვის სიცოცხლე და სიკვდილისა არ დანანება.

ქართველი უსაზღვრო იდეალისტია, მეოცნებე და ამავე ღროს დიდი რეალისტი. იგი მუდამ ცას ეპოტინება, მაგრამ ცოდვილიან მიწას არასოდეს ივიწყებს, ისწრაფვის მიწა ზეცას შეადულოს და მით შექმნას ახალი არსი, გადალახოს შეუძლებელი და მონახოს აღთქმის კარი. სადაც სულნი ვარჯიშობენ, ნეტარობენ და ხაზობენ და სად კაცთა ქვენა ზრახვა უკუაგდეს, არ ნანობენ, სადაც დიდსა უკვდავებას ტახტი ფართოდ გაუშლია და სამყაროს მთა-მინდვრებზე ია-ვარდი აუშლია.

ქართველი, ბუნებით რაინდი, წაქცეულს არ სცემს, ხმლიანი უხმლოს არასოდეს შედბმის. აგვიტოს ძლები უჭერმეტყველესი დადასტურებაა ამ რაინდობის. რამდენი ბობოლა მოღალატე ჩაუვარდა ამ დღებში აზღვაგებულ ხალხს ხელში, მაგრამ არც ერთი მათგანის სისხლი არ დანთხეულა, არც ერთ მათგანს ერთი ღერი თმაც კი არ ჩამოვარდნია. ერი აჯანყდა, მაგრამ არ გაბოროტებულა, მას ამოქმედებდა თავისუფლების სიყვარული და არა შურის ძიება.

ქართველი არავის ეყმობა და არც არავის იყმობს. «სჯობს სიცოცხლესა ნაძრახსა სიკვდილი სახელოვანი»,—მისი პრაქტიკული ყოფაქცევის ფილოსოფიაა.

ქართველი სამშობლოზე შეყვარებულია. ის არ გაცვლის სალსა კლდეებსა უკვდავებისა ხეზედა, არ გაცვლის თავის სამშობლოს სხვის ქვეყნის სამოთხეზედა. მაგრამ სამშობლოს სიყვარული ქართველს არ უშლის ხელს უცხოეთის დიდი პატივისმცემელი იყოს. ქართველმა ერმა განსაკუთრებული სიტყვაც კი შექმნა ამ შემთხვევისათვის, სიტყვა «საუცხოლო». საუცხოლო, ე. ი. საუკეთესო არის მხოლოდ უცხოელისთვის, სტუმრისთვის საკადონი.

ქართველი ერი ერობს უაღრესად. ეროვნული ყოფნა იგივე ეროვნული შემოქმედებაა. შემოქმედება კი სულის თავისუფალი გაშლაა, მისი შინაინტენსივობის გარე სინამდვილესთან ჰარმონიზაციაა. იქ, სადაც თავისუფლება არაა, არც შემოქმედებაა და, სადაც შემოქმედება არაა, არც ყოფნაა, არც სიცოცხლეა.

ბოლშევიზმი თავისუფლების, მამასადამე შემოქმედების, სიცოცხლის უარისყოფაა. ამიტომ, ბუნებრივია, რომ ცოცხლად და სასიცოცხლოდ შობილი ქართველი ერი მას ვერ ეგუება. ბოლშევიზმი აგორებული რუსული ურაპრაქტიკაა, რომელსაც არა-

ვითარი საერთო ქართულ ბუნებასთან არა აქვს. ბობოლა ქართულ ბუნებისა ამ რუსულ ურაპრაქტიკასთან განუწყვეტილ სწარმოებს.

ღრმა უფსკრულია რუსულ ურაპრაქტიკასა და ქართულ ბუნებას შორის. ქართული ეროვნული სული უძლეველია. ბოლშევიკური საწამლავის წინამდებე მას სრული იმუნიტეტი აქვს. მართალია, მართო სულით ხიშტები ვერ უკუიქცევის, მაგრამ ვერც ხიშტებით სული დაიჭირების.

ილია ნუფლებიძე.

### ქალი დამოუკიდებლობის ბრძოლაში

ქალის გონება და გული მუდამ მშვენიერების და სიდიადის ძიებაშია. ამიტომაც სამშობლოსათვის თავდადება იყო, არის და იქნება ყოველთვის ოცნება მრავალ ასულთა.

არა ერთხელ ეს ოცნება სინამდვილედ უქცევია ბევრს დედას და თითქმის ყოველი ერის ცხოვრებაში მოიპოვება მაგალითები ქალთა გმირულ საქმეების.

ყველას ხომ ერთნაირად არ შეუძლია სამშობლოს სამსახური. ზოგს წილად ერგო იარაღი აელო ხელში ქვეყნის დასაცავად. ამ შემთხვევაშიაც ქალებმა გამოიჩინეს უდიდესი თავგანწირვა და არაფრით ჩამოუვარდნენ მამაკაცებს.

მეორენი არჩევდნენ მუშაობას მძიმეს და თითქმის აუტანელს ქვეყნის კეთილდღეობისათვის. ხშირად მსხვერპლიც კი გამხდარან. ქალის მამულიშვილობაზე რომ ვლაპარაკობ, ვეხები მის გმირულ საქმეს თუ ქვეყნისათვის გაწეულ შრომას, მსურს განსაკუთრებით პოლონელ ქალის მოღვაწეობაზე შევჩერდეთ, თუ გინდ მხოლოდ იმისათვის, რომ ვისწავლოთ იმათ მაგალითზე. ვინც ჩვენსავით ერთნაირ პირობებში იმყოფებოდა და იბრძოდა.

რუსეთის მიერ დაუნდობლად დევნილი პოლონეთი იძულებული იყო მთელი სიმძიმე მუშაობისა გადაეტანა სარდაფებში ან ემიგრაციის საუკეთესო ნაწილისთვის დაეკისრებია, რათა ეხსნა მონობაში ჩავარდნილი ერი ზნეობრივი დაცემისაგან და აენთო მასში ბრძოლის ცეცხლი მჩაგვრელთა წინამდებე.

ფართე ნიადაგი და სარბიელი გადაიშალა აქ პოლონელი ქალისთვის და ისიც უშიშრად და გაბედულად ჩადა მებრძოლთა რიგებში.

როგორც პირველ აჯანყების 1831 წ. დროს ისე მეორესი 1863 წ. მრავალი პოლონელი ქალი იარაღით ხელში იბრძვის მამაკაცებთან ერთად თავისუფლებისათვის. საიდუმლო, კლანპირატიულ მოქმედებაში უდიდეს როლს თამაშობს. ყოველი პატრიოტული ორგანიზაცია მრავალმხრივ მუშაობას აწარმოებს. ნაწილი ამ მუშაობისა ქალებს აწევს. მათი მონაწილეობა სასარგებლოც და აუცილებელიცაა. შეიძლება თამამად ითქვას, რომ განმათავისუფლებელ მოძრაობაში პოლონელმა ქალმა ღირსეულად შეასრულა თვისი მოვალეობა.

ყველგან და ყოველთვის, ყოველ დარგში გამო-

იჩინა დიდი აქტივობა, გაბედულება, შეუპოვებლობა მტერთან, საქმისთვის თავდადება, მხოლოდ ყველაზე უდიდესი, რასაც ის ემსახურებოდა.—ეს იყო დედის მოვალეობა თვისი შვილების აღზრდა მამულიშვილებად. მათ გულში შჩაგვრელის სიძულვილის ჩანერგვა.

უმშვენიერეს მაგალითს ამისას იძლევა დიდი მარშალის იოსებ პილსუდსკის დედა, რომელმაც ბავშობიდანვე ჩაუნერგა შვილებს უსახლვრო სიყვარული სამშობლო ქვეყნის.

«დედა, ამბობს იოსებ პილსუდსკი, შეუპოვებელი პატრიოტი იყო და სრულებითაც არ ცდილობდა, დაეთარა ჩვენს წინაშე ტკივილები და იმედების გაცრუება აჯანყების ჩაქრობით გამოწვეული. წინამდებ, გვზრდიდა ჩვენ და გვიწერდა რწმენას, რომ აუცილებელია ბრძოლის გაგრძელება სამშობლოს მტერთან».

დედა ცდილობდა თვის შვილებში აზროვნების დამოუკიდებლობა განეფითებინა და უღვიძებდა მათ პირადი ღირსების გრძობას.

«მხოლოდ ის კაცია ღირსი ადამიანის სახელის, ვისაც აქვს თვისი მტკიცე რწმენა და შეუძლია მიუხედავად შედეგისა ემსახუროს და იბრძოდეს კიდევ მისთვის»...

ღრმად აღიბეჭდა ნორჩ გულში საყვარელი დედის დარიგება და მდიდარი ნაყოფიც გამოიღო.

ვიციტ ყველამ, თუ როგორი მოწიწებით იგონებდა მარშალი თავის დედას, როგორ ამბობდა ყოველთვის, რომ დედა იყო ის, ვინც სამშობლოს სამსახური დაუსახა ცხოვრების მიზნად.

1914 წელი. ლეგიონები.—ეს სიტყვა თითქმის ლეგენდაა ცოცხალი იმ რაინდთა შესახებ, ვინც ასწლოვან მონობის ბრკილებით დაბმულს, დაუძღურებულ პოლონეთს სიცოცხლეს შობაბრავს და განათავისუფლებს.

ქალი აქაც პირველ რიგებშია. იბრძვის იარაღით ხელში, ათასგვარ მძიმე დავალებას ასრულებს როგორც შიგნით პოლონეთში ისე საზღვარ-გარედაც. მონობის წამებას თავდაღწეული, განვლილ ტანჯვას შემდეგ განთავისუფლებული, დამოუკიდებელ პოლონეთში ქალი განაგრძობს მუშაობას ბეჯითს და მშვიდობიანს «თვის საკუთარ სახლში», მუშაობას მოქალაქეობრივს და საზოგადოებრივს.

პოლონელ ქალის ასეთი ნაყოფიერი მოღვაწეობის მაგალითი ჩვენზე გამამხნეველ გავლენას ახდენს. ვიციტ, რომ პოლონელი ქალი ჩვენსავით მძიმე, საშინელ გარემოებაში იმყოფებოდა, მოქმედების პირობები აუტანელი ჰქონდა, მაგრამ ქვეყნის წინაშე პასუხისმგებლობის შეგნებამ, საზოგადო საქმისათვის თავდადება და არაჩვეულებრივმა აქტიობამ სასწაულები მოახდინა.

პოლონელ ქალის მაგალითი ძვირფასია ჩვენთვის არა მხოლოდ იმიტომ, რომ პირობები ერთგვარი იყო, არამედ იმიტომაც, რომ თვით ბუნება და ხასიათი პოლონელ ქალისა ქართველ ქალისას უახლოვდება.

ქართველი ქალიც ხომ განსახიერებია პატრიოტიზმის, თავდადების თვისი მშვენიერ ქვეყნისათვის

და მაღალი იდეალებისა. ტყუილად ხომ არ არის ქალის კულტი ასე განვითარებული საქართველოში, ხომ ცხადია უდიდესი გავლენა ქალისა საზოგადოებრივ ცხოვრებაზედაც კი! ამის მაგალითი ურიცხვია. ჩვენი სამშობლოს ისტორია იძლევა მრავალ ფაქტს, თუ როგორ ქვეყნის საბედისწერო წუთებში იბრძოდან და თავს დებდა ქართველი ქალი ერის გულისათვის.

ისე როგორც პოლონელი ქალი, ქართველი ქალიც მამულისათვის ზრდიდა შვილებს და ასწავლიდა მათ ერისთვის თავდადებას. ქართველი ქალის წყალობით არა ერთხელ გამოსულა ჩვენი ერი გამარჯვებული მტერთან ბრძოლაში. მისი გავლენით აინსნება, რომ საშინელ მონობის ხანებშიაც კი არ დაუკარგავს ქართველობას საკუთარი სახე და თვისი ეროვნული მეობის შეგნება.

როს დადგა საქართველოს დამოუკიდებლობის უკანასკნელი წუთი, რომ იკარგებოდა ერის თავისუფლება, ქართველი ქალი პირველი აღსდგა მისი ღირსების დასაცავად. წარმტაც მაგალითს იძლევა მთელი ერის უსახლვრო პატივისცემით მოხილი დედოფალ მარიამის ტრადიული სახე...

დღეს ჩვენი ვალია, მივბაძოთ ჩვენი დედების მაგალითს, ვიმუშავოთ სამშობლოს განთავისუფლებისთვის და მაღლა გვეჭიროს წმინდა ეროვნული დროშა.

დეე, პოლონელ ქალის მაგალითმა და ჩვენი დედების მშვენიერმა წარსულმა გავგინათოს დღეს გზა და ჩავგინერგოს რწმენა, რომ ღვაწლი ქართველი ქალისა ფუჟად არ ჩაივლის, რომ სამშობლოსათვის გაწეული შრომა და მიტანილი მსხვერპლი ერთი ათასად ნაყოფს გამოიღებს, და ჩვენთვისაც აღმობრწყინდება დიდებული მზე საქართველოს თავისუფლების, დამოუკიდებლობის!

მარე შალიკაშვილი.

გეგლინი და მოსკოვი

ნიურნბერგის ყრილობას ძლიერ ანტიბოლშევიზმს გარდა ახასიათებდა ასეთივე ძლიერი ანტისემიტისმი, და დემოკრატიაც—ყოველ შემთხვევაში მის არსებულ ლიბერალურ-პარლამენტარულ ფორმებში—ბოლშევიზმის გზად და ხიდად იქნა გამოცხადებული. ამ გარემოებამ სხვადასხვა დიპლომატურ წრეებში მიტქმა-მოტქმა გამოიწვია. ცხარე ანტისემიტურ გამოსვლებში ზოგმა მთავრობამ ალბად თავისი შეურაცყოფაც ამოიკითხა. თანდართულმა ანტიდემოკრატულმა ტონმა ბევრში ეჭვიც აღძრა: «გერმანიას ხომ არ სურს, შეჰკრას ევროპის ნაციონალისტურ-ავტორიტარული სახელმწიფოების ბლოკი დემოკრატიული სახელმწიფოების წინააღმდეგ?» ამ ეჭვების და გაუფებრობების ფაფანტვას ემსახურებოდა როზენბერგის მორიგი დიდი სიტყვა, რომელიც წარმოსტქვა 15 ოქტომბერს ნაციონალსოციალისტური პარტიის საგარეო-პოლიტიკური უწყების მე-25 სხდომაზე, რომელსაც დაესწრენ



უცხოეთის პრესაც და დიპლომატიური წარმომადგენლებიც გარდა საბჭოთა კავშირის და საფრანგეთის წარმომადგენლებისა.

დასაწყისში როზენბერგი შეეხო მოსკოვის ლოზუნგს: «ბრძოლა ფაშისმს!» და განმარტა, რომ მოსკოვი ფაშისმში ყველა აქტიურ ანტიბოლშევიკურ ძალებს გულისხმობს, რომ ის არსებითად მთელ ევროპას განადგურებით ემუქრება. ეს მუქარა ორატორის აზრით არც თუ წმინდა კომუნისტური მუქარაა, არამედ მას საერთო ანტიევროპიული მიდრეკილებაც ახასიათებს. მას მოყავს ტუხაჩევსკის სიტყვები, რომლისთვისაც «სულ ერთია წითელი თუ თეთრი გენერალი, ოღონდ ევროპა კი დაანგრის», და დაასკვნის, რომ ბოლშევიკების ანტიევროპეიზმში დიდ როლს თამაშობს «მტრობა სტეპისა ყოველგვარი ევროპიული სახელმწიფოებრივობის მიმართ». შემდეგ ორატორი ეხება ლიტვინოვის ინტრიგებს, ევროპის სახელმწიფოებს შორის შუღლის გაღრმავებისა და მათი ერთმანეთის დაჯახებისაკენ მიმართულს, და ტარაზის პროვოკატორულ სიტყვებს, რომელნიც განსაკუთრებით საფრანგეთ-გერმანიის დამოკიდებულების მოწამვლას ემსახურებიან და რომელნიც ამ მიზნით გერმანიის სახელმწიფოს მეთაურს შეურაცყოფენ.

ბოლშევიზმი ილწვის ევროპის მშვიდობიანობის წინამდებ, ევროპის დასანგრევად. «ამიტომ ევროპის ერები დაინტერესებულნი არიან, რომ ურთიერთ შორის სამშვიდობო პაქტები შეკრან, მაგრამ ამავე დროს პროფესიულ შხამის მრეველთა მუშაობა აღკვეთონ».

სხვა სიტყვებით: ევროპის სახელმწიფოთა პაქტი სასურველია, მაგრამ მოსკოვის გარეშე, სწორედ მოსკოვის დამანგრეველ და პროვოკატორულ მუშაობის საწინამდებგად.

მოსკოვს ევროპის საქმეებში ხელი არა აქვს. მესამე ინტერნაციონალი ევროპის მუშებს ვერრას ასწავლის, ამბობს მომხსენებელი და განაგრძობს: «მეთაურმა განაცხადა, რომ გერმანელი მუშა მეტად გონიერია და მოსკოვს შეგირდად არ გაუხდება. ინგლისის მუშათა პარტიაც აცხადებს, რომ ინგლისელი მუშაც მეტად ჭკვიანია და მოსკოვისგან ჭკუის სწავლება არ ესაუბრება».

ამ სიტყვებით როზენბერგი აცხადებს, რომ გერმანული ნაციონალსოციალიზმი—მიუხედავად თავისი სასტიკი ანტიმარქსისტული იდეოლოგიისა—მზად არის ანგარიში გაუწიოს და დააფასოს ისეთი სოციალდემოკრატიული მუშათა პარტიებიც, რომელნიც ბოლშევიზმს გადაჭრით ებრძვიან. ამავე სიტყვებში მოსჩანს ინგლისის მიმართ გაწვილი ხელიც.

გერმანია მოსურნეა ევროპის დემოკრატიულ სახელმწიფოებთანაც კავშირის და კეთილ-მეზობლური თანამშრომლობის, მხოლოდ ეს უკანასკნელნი არ უნდა იყვენ დაკავშირებულნი მოსკოვთან, მათ უნდა სძლიონ ბოლშევიზმი.

ჩვენ არ გვინდა ნაციონალსოციალიზმის სხვა ერებზე გადატანა. თუ ისინი თავიანთ ქვეყნებში ბო-

ლშევიზმს დემოკრატიის საშვლებით დასძლევენ, ჩვენ კმაყოფილნი ვიქნებითო».

გერმანიას არ აკმაყოფილებს მარტო თავის საზღვრებში განადგურება კომუნისტური მოძრაობის. ის გულგრილად ვერ უყურებს ბოლშევიზმის თარეშს სხვა რომელსამე ევროპიულ ქვეყანაშიც.

იმიტომ რომ: «ჩვენ შეგნებული ევროპელები ვართ», ამბობს როზენბერგი. «დაე მოსკოველებმა თავიანთი საქმე მოაგვარონ როგორც მათ სურთ, მაგრამ ჩვენ არ გვსურს მათი ანტიევროპიული მოძღვრება. ჩვენ გვინდა ევროპის წმინდა განძების დაცვა».

ნუ თუ მხოლოდ და მხოლოდ ნიურნბერგის ყრილობის მიერ ზოგ წრეებში გამოწვეული ექვების გაფანტვა იყო როზენბერგის ამ სიტყვების დანიშნულება? არა. ორატორი წინაც იუბურებოდა. კარზე მომდგარი იყო ახალი, უაღრესი მნიშვნელობის დიპლომატიური აქტი: იტალიის საგარეო საქმეთა მინისტრის, გრაფ ჩიანოს ბერლინში ჩამოსვლა, რომელიც მოხდა ოქტომბრის ბოლო რიცხვებში. ამ სტუმრობას და მასთან დაკავშირებულ დიპლომატიურ-პოლიტიკურ შეთანხმებებს შეეძლოთ, მოსალოდნელია, კიდევ უფრო გაეძლიერებიათ ზემოდ ნახსენები ექვები თუ გაუგებრობანი. აი ამთ გასაფანტავად წინასწარ თადარიგსაც წარმოადგენდა ნაციონალსოციალისტური პარტიის საგარეო პოლიტიკური უწყების ხელმძღვანელის სიტყვა.

გრაფ ჩიანოს ბერლინში ყოფნა მეტად ნაყოფიერი იყო. შეთანხმების ოფიციალური მოტტოა: «ბოლშევიზმის წინამდებ და ევროპის მშვიდობიანობისთვის». არსებითად შემდეგი შეთანხმების მუხლებია ოფიციალურად ცნობილი: გერმანიამ იცნო რომის იმპერია ანუ იტალიის ძალაუფლება ახლად დაპყრობილ ეთიოპიაზე. იტალიამ გაიზიარა გერმანიის თვალსაზრისი, რომ დასავლეთის პაქტი (ლოკაროს განახლება) უნდა შეიკრას საბჭოთა კავშირის გაურევლად. იტალია არ არის წინამდებ იმ დაანლოების და თანამშრომლობის, რომელიც დამყარდა გერმანიასა და ავსტრიას შორის. მეორე მხრით მიღებულ იქნა ვგრედ წოდებული პარალელობის პრინციპი ორივე ქვეყნის ეკონომიურ პოლიტიკურ მუშაობაში როგორც იმავე ავსტრიასთან, ისე დუნაის სხვა სახელმწიფოებთან და ბალკანეთში: ორივე სახელმწიფო მუშაობს დამოუკიდებლად, მაგრამ ერთმანეთს ხელს არ უშლიან. ბოლშევიზმთან და საერთოდ მოსკოვის გავლენასთან ბრძოლას აქაც ორივე მხარე თანაბრად ე. ი. ენერგიულად აწარმოებენ. ესპანეთის საკითხშიც ხომ ორივე სახელმწიფო დიდი ხანია შეთანხმებულია. ორთავე აშკარად თანაუგრძნობენ ნაციონალისტებს (ფრანკოს), ოფიციალურად ნეიტრალიტეტის პოზიციაზე დგანან ესპანეთის კომიტეტში, გადაჭრით ებრძვიან მოსკოვის ჩარევას. ამას გარდა გერმანიასა და იტალიას შორის ჩადდება ფართე იდეოლოგიური თანამშრომლობაც.

მოკლედ, ბერლინსა და რომზე გაყვანილ იქნა ცნობილი «ღერძი». ამის დიდი სურვილი, რომ ამ ღერძის ჩრდილოეთელი დასაყრდნობი ლონდონში



იყოს. სამისოდ ბერლინში ერთგვარი იმედებიც არსებობს. განხორციელებდა თუ არა ეს იმედები, მომავალი გვიჩვენებს. გერმანია იტალიის სურვილია, როგორც მუსოლინიმაც განაცხადა, ამ ღერძის გარეშე შემოკრებს ყველა. ვისაც სურს ბოლშევიზმისგან გათავისუფლებული შექავშირებული ევროპა. ამ მიზნით წარმოებს დიდი და აქტიური დიპლომატიური მუშაობა—განსაკუთრებით ევროპის სამხრეთ-აღმოსავლეთში. წარმოებს გაშლილი ანტი-ბოლშევიკური პროპაგანდა უპირველესად თვით გერმანიასა და იტალიაში. ეს ჩანს პრესაში, რადიოში და ყველა საჯარო გამოხვედრაში, აგრეთვე სპეციალურ მოწყობილ დიდ ანტიბოლშევიკურ გამოხვედრაში. გერმანიაში ასეთი გამოხვედრები გამართულია ბერლინსა და მიუნხენში. სურათების, დოკუმენტების, კერძო წერილების და სხვადასხვა ნივთიერ მასალების საშუალებით ისინი გვიჩვენებენ ბოლშევიკური ჯოჯოხეთის სხვადასხვა მხარეს თვით საბჭოთა კავშირში და აგრეთვე მოსკოვის დამარცხებულ მუშაობას სხვა ქვეყნებში.

მოსკოვსაც არ სძინავს. მისთვის არ კმარა პროპაგანდაში დიდი ხნით გაწვრთნილი კომინტერნის მოღვაწეობა. პოლიციურ ზომებში გაწვრთნილი ჩეკაც ენერგიულად იღწვის. გაზეთები გვამცნობენ მოსკოვში მყოფი გერმანელი მოქალაქეების «შეტქმულების აღმოჩენას» და მათ მასიურ დატუსაღებას. ამას მოყვა გერმანული პრესის აღშფოთების ახალი ზვირთები და ბერლინის დიპლომატიური დემარში მოსკოვში...

ბრძოლა ბერლინსა და მოსკოვს შორის ყოველ დარგში, ყოველივე სფეროში დღითი დღე ძლიერდება და მწვავედება. რით გათავდება, ვერაფერ იტყვის. ჯერჯერობით ჩვენ ვიცით მხოლოდ, რომ ეს ბრძოლა არა უკანასკნელი მომენტია იმ საგარეო პოლიტიკური მარცხების, რომელთაც მოსკოვი ახლა ხშირად განიცდის და რომელნიც მის უკანასკნელ წლებში აწეულ დიპლომატიურ კონიუნქტურას ხელახლა დაბლა აქანებენ.

y.

### წერილი ამერიკიდან

გუშინ, სამ ნოემბერს, ჩრდილო ამერიკის შეერთებულმა შტატებმა მომავალ ოთხი წლისთვის თავის პრეზიდენტად ისევ ფრანკლინ დელანო რუზველტი აირჩია. დემოკრატების პარტიამ დაამარცხა რესპუბლიკანელების პარტია და მისი საპრეზიდენტო კანდიდატი ალფრედ ლანდონი დიდი ხმის უმეტესობით. არასოდეს ამერიკის ისტორიაში არც ერთ პრეზიდენტს ასეთი გამარჯვება არ რგებია. პრეზიდენტმა რუზველტმა მოიგო 46 შტატი 523 პრეზიდენტის ამომრჩევი ხმით და ა. ლანდონმა მხოლოდ ორი შტატი 8 ამომრჩეველი ხმით.

მეტი არ იქნება, აქ რომ აღვნიშნოთ პრეზიდენტის არჩევის სისტემა, რადგან არამც თუ სახლგარ გარედ, არამედ აქაც, შეერთებულ შტატებში, ბევრმა არ იცის, როგორ ხდება ეს. ბევრს ჰგონია რომ ხალხი

პირდაპირ ირჩევს პრეზიდენტს და მის თანაშემწეს. ნამდვილად კი ხალხი ირჩევს (ყოველ მეოთხე წელს ნოემბრის პირველ სამშაბათს) მხოლოდ პრეზიდენტის ამომრჩეველებს ყოველ შტატში ცალკალკე და ესენი კი პრეზიდენტს. ყოველ შტატისთვის განსაზღვრულია რიცხვი პრეზიდენტის ამომრჩეველების, იმდენი რამდენი წარმომადგენელი შტატს ჰყავს კონგრესში. მაგალითად, ნიუორკის შტატს—47, კალიფორნიას—22, პატარა შტატს ნევადას—3 და სხვა... სულ შეერთებულ შტატებში 531. ეს არის რიცხვი კონგრესის წევრების (კონგრესი შესდგება ორი პალატისგან: სენატი 96 წევრით, ორი ყოველ შტატიდან; ქვედა პალატა—436 წევრით, ყოველი 279.000 მცხოვრები ირჩევს ერთი წარმომადგენელი). არჩევნების დღეს ყოველ შტატის პარტია და მათი მიმდევრები ხმას აძლევენ თავის პარტიის კანდიდატებს ავტომატურად, რომელთა სახელები არც კი არის გამოცხადებული და რომელიც მხოლოდ პარტიამ იცის, თუმცა საიდუმლო არ არის.

მაგალითად ნიუორკის შტატმა ხუთი მილიონი ხმიდან დაახლოებით სამი მილიონი დემოკრატებს მისცა, ამიტომ ყველა 47 პრეზიდენტის ამომრჩეველი მხოლოდ დემოკრატები არიან და ასე სხვა შტატებში. არჩევნები რომ გათავდება, ყოველ შტატის ანგარიშის შერე ირკვევა, ვის მისცა ხალხმა უმეტესი ხმა, რომელ პარტიამ მიიღო უმეტესობა პრეზიდენტის ამომრჩეველი ხმების. მაგალითად გუშინდელი არჩევნებიდან დემოკრატებმა მოიგეს 46 შტატი 523 ამომრჩევი ხმით, მათ კი სუბიროდათ მხოლოდ 266, ე. ი. 531-ის ნახევარის ერთით მეტი. ამომრჩეველები შეიკრიბებიან თავთავის შტატებში მომავალ იანვრის პირველ ოთხშაბათს და კენჭს აძლევენ თავის საპრეზიდენტო კანდიდატს და მის თანაშემწეს. ამის შედეგი ეგზავნება ქალაქ ვაშინგტონში კონგრესს, რომელიც მას ამტკიცებს. მაშინ არის ფორმალურად არჩეული პრეზიდენტი და მისი თანაშემწე (თანაშემწეს ფუნქციები სენატის თავმჯდომარეობაა).


მაგრამ ეს დაძველებული კანონი მხოლოდ ფორმისთვის არის დღეს და პრეზიდენტის ვინაობა ამომრჩეველების არჩევნების გათვებისას ირკვევა. ამიტომ შედეგად გუშინდელ არჩევნებისა პრეზიდენტად ფრანკლინ რუზველტი და მის თანაშემწედ ივანე გარნერი არის არჩეული.

არასოდეს ყოფილა შემთხვევა, რომ პრეზიდენტის ამომრჩეველებს თავისი ხმები გამოეცვალოთ, რადგან ისენი მორალურად ვალდებული არიან თავის კანდიდატს მისცენ კენჭი, თუმცა კანონის ძალით შეუძლიათ, ვინც უნდათ ის აირჩიონ.

ასე, ფორმალურად, პრეზიდენტს და მის თანაშემწეს კონსტიტუციის ძალით არაპირდაპირ ირჩევენ.

პირდაპირ და უმრავლესობის ხმით ირჩევენ: კონგრესის წევრებს, შტატის გუბერნატორებს, შტატების სენატს და ქვედაპალატის წევრებს, ქალაქის თავებს, მსაჯულთ და სხვა აუარებელ ქალაქის და სოფლის მოხელეებს...

ვინც საარჩევნო კამპანიას და ძალთა განწყობი-



ლებას მიუღწეოდნენ თვალყურს ადევნებდა, მისთვის პრეზიდენტ რუზველტის არჩევა მოულოდნელი არ იყო, თუმცა ასეთ დიდ გამარჯვებას არავინ მოელოდა.

არასოდეს არ ყოფილა ასე ანტაგონისტურად საზოგადოება ორად გაყოფილი. წინად ერთმანეთს უპირდაპირდებოდნენ დემოკრატები და რესპუბლიკანელები. ორივე ბურჟუაზიული პარტია (რესპუბლიკანელები მსხვილი ბურჟუაზიის პარტიაა), რომელთა შორის დიდი განსხვავება არ იყო. დემოკრატების პარტია უძველესია, დაარსდა 1791 წელს ჯეფერსონის მიერ, რომელიც არჩეულ იქნა პრეზიდენტად 1801 წელში. იმ დროიდან განუწყვეტლად დემოკრატების ხელში იყო მთავრობა 1861 წლამდე, როცა ახალი ოპოზიციის ბელადი ლინკოლნი იქნა არჩეული პრეზიდენტად. ეს ოპოზიცია იყო დღევანდელი რესპუბლიკანელების პარტია. იმ დროიდან მართველობა უფრო ხშირად რესპუბლიკანელების ხელში იყო, მხოლოდ ხუთჯერ იქნა არჩეული დემოკრატების პრეზიდენტი.

ახლა პრეზიდენტ რუზველტის რეფორმებმა ხალხი ააშფოთა და პირველჯერ ზევიდან კლასობრივი ინტერესები გაუღვიძა. ამის გამო ორივე პარტიაში და მათ მიმდევრებში ერთგვარი გადაჯგუფება მოხდა. რუზველტს ჩამოშორდა ბევრი მისი ძველი თანამშრომელი და პარტიაში დამსახურებული პირი თავის მიმდევრებით. ვინც ხელავენ რუზველტის ნაბიჯებში პარტიის პროგრამის და ტრადიციის ღალატს. ესენი რუზველტის რეფორმებს შეებრძოლენ და ლანდონს დაუჭირეს მხარი.

ეს ჯეფერსონელი დემოკრატები (ასე ეძახიან თავის თავს; ჯეფერსონი პარტიის დამაარსებელი და პრეზიდენტი მომხრე იყო ცალკე შტატების უფლებების დაცვის და წინააღმდეგი ცენტრალურ მთავრობის გაძლიერების) რესპუბლიკანელებთან ერთად აბრა-ლებენ რუზველტს კონსტიტუციის და თავის დაპირებების ღალატს; ცალკე შტატების უფლებების უზურპაციას; აუარებელ სახელმწიფო ფულის დახარჯვას და დავალიანებას (ახალი ვალი ოთხი წლის განმავლობაში 14 მილიარდი დოლარია, ომიდან დარჩენილთან ერთად 35 მილიარდი) მუშათა და დამჭირავებელთა ერთმანეთზე გადაკიდებას; რადიკალიზმის წინააღმდეგ ზომების მიუღებლობას და სხვ...

სამაგიეროდ, პრეზიდენტს მხარი დაუჭირეს იმ ფერმერებმა, ვინც მთავრობისგან შემწეობა მიიღეს ჭირნახულის ნაკლებ მოყვანისთვის და საქონლის შემცირებისათვის (დაახლოებით ერთ მილიონ ნახევარმა ფერმერმა მიიღო ერთი მილიარდი და ნახევარი დოლარი). მხარი დაუჭირეს მუშების (ამერიკის მუშათა ფედერაციამ) და წვრილ მოხელე-მოსამსახურეების უმრავლესობამ, ვისაც პრეზიდენტის «ახალი აღორძინების» კანონმა სამუშაო დრო შეუმცირა და ჭირის მინიმუმი განუსაზღვრა. ამასთან პრეზიდენტს მისცა ხმა უმუშევართა დიდმა არმიამ, რომელნიც მთავრობის მიერ განგებ შექმნილ სამუშაოზე მუშაობენ.

დიდი წილი პრეზიდენტის გამარჯვებისა უნდა მიეწეროს მის პიროვნებას. პრეზიდენტი რუზველტი

არის დაუღალავი ენერჯის კაცი, მიუხედავად მისი ავადმყოფურ მდგომარეობისა. 1921 წელში მას დამბლა დაეცა (ე. წ. ბავშვთა პარალიზი) და სიარული ან ფეხზე დგომა დაუხმარებლად არ შეუძლია. მიუხედავად ამისა მისი მუშაობის უნარი ამოუშრეტელია.

ამასთან, ის თავაზიანია, მომნიბლავი მოლაპარაკე; მეგობრული მოუბარი. თავის პრეზიდენტობის ოთხი წლის განმავლობაში ხშირად მართავდა საღამოობით რადიოს საშუალებით საუბარს ხალხთან. შემთხვევა არ გამოუშვია, რომ არ ემცნო და არ აეხსნა ყოველი თავისი ნაბიჯი: რას აკეთებდა, როგორ თანდათან ქვეყანა დეპრესიიდან გამოყავდა და სხვა...

როცა არჩევნები მოახლოვდა, მან გაათქვია ენერჯია და მიწვდა თითქმის ყოველ კუთხეს, სადაც მასსა ათასობით დიდი ენტუზიანობით ხვდებოდა...

მოწინააღმდეგე კანდიდატი ა. ლანდონი, რომელიც სხვათა შორის «ნამდვილ ამერიკულ ტრადიციულ ცხოვრების» დაბრუნებას პირდებოდა ქვეყანას—მედარებით სუსტი ფალავანი და პიროვნება გამოდგა, თუმცა საქმიანი, მაგრამ თითქმის უცნობი, არა ორატორი; მხოლოდ უფრო ინტელიგენტურ და შექლებულ ფენების თანაგრძობას და ხმას ღებულობდა, რომელთა რიცხვი სამყოფნი ვერ აღმოჩნდა.

სამ ნომბერს პრეზიდენტის არჩევნებთან ერთად მოხდა არჩევნები ბევრ შტატში კონგრესის წევრების, შტატის გუბერნატორების და სხვა. უმრავლესობა დემოკრატებია.

თუ წინა წლებში წაგებული პარტია არჩევნების მერე ასე თუ ისე ბედს ურიგდებოდა და მხოლოდ პასიურ ბრძოლას აწარმოებდა, დღევანდელ გამწვევებულ პოლიტიკო-ეკონომიურ მდგომარეობაში მოსალოდნელია, რომ ბრძოლა აქტიურად გაგრძელდება. თუ რუზველტს პირველ წელიწადს კონგრესმა და ხალხმა თითქმის ერთ ხმად მხარი დაუჭირა, ახლა მას მოწინააღმდეგენი და შემომტევი თავიდანვე გაუჩნდება.

საარჩევნო ანომალია და უწყესობა წელს მეტი იყო ვიდრე სხვა დროს. კრების და სიტყვის თავისუფლება კანონია და დაურღვეველი, გამოწვევისი კი «სპორტია». მოვიხსენიებთ ორ ინციდენტს, რომელიც კომუნისტების კანდიდატს ერთი ბროდვერს შეემთხვა: ერთი ფლორიდაში, სადაც მას დანიშნულ მიტინგზე მოწინააღმდეგე უფრო მეტი დახვდა ვიდრე მომხრე და სიტყვა არ ათქმევინეს. პოლიციის დახმარებით სადგურზე მიიყვანეს და მატარებელში თავი შეაფარა.

მეორე იყო ქალაქ ტრე პუტეში (ინდიანას შტატში). აქ სხვათა შორის რამდენიმე ათასი ქარხნის მუშა ცხოვრობს და ბროდვერს სიტყვა უნდა წარმოეთქვა ადრე დანიშნულ კრებაზე და მასთან რადიოც უნდა ეხმარა. ჩამოსვლამდი პოლიციამ გააფრთხილა, რომ ნების დაურთველად მას ვერ ალაპარაკებდა (ნებართვა საერთოდ საჭირო არ არის), რადგან იმას წინედ იქ მუშების გაფიცვები და უწყესობა იყო. დანიშნულ დროზე ე. ბროდვერი ჩამოვიდა, სა-

მი თანხლებით. პოლიციამ ოთხივე დააპატიმრა 25 საათით, როგორც ეგრედ წოდებული «უსახლკარო, მაწანწალები» (კანონის მიერ განსაზღვრული ფულის რაოდენობა არ ამოაჩნდათ). ბროვდერი ნიუორკში დაბრუნდა, ათასი დოლარის ბანკის ჩეკი იშოვა, ჯიბეში ჩაიღო და ისევ ტერე პუტეს დაუბრუნდა, სადაც მას დაჟინებით სიტყვა უნდა წარმოეთქვა. კრებისთვის დანიშნულ ალაგას რამდენიმე ასი კაცი დამპალი კვერცხების სროლით შეხვდა. პოლიცია დაეხმარა და ნიუორკში გაისტუმრა. ე. ბროვდერი ამით მაინც კმაყოფილი დარჩა, რადგან ინციდენტმა გაზეთები ალაპარაკა. კორესპონდენტების შეკითხვაზე შტატის გუბერნატორმა განაცხადა: «სამწუხარო ინციდენტი იყო».

«ნიუორკის ტაიმის» კორესპონდენტი ჰეროლდი დენნი მოსკოვიდან იწერება: «საგარეო ოფისში აქ გადაჭრით განაცხადეს, რომ თუ მადრიდი აღებულ იქნა მემბოზების მიერ და ახალი მთავრობა გამოცხადდა, საბჭოთა მთავრობა მას არ იცნობს, რადგან კატალონია კიდევ რჩება თავისუფალი. კიდევ მეტიც: რომ მადრიდის კანონიერი მთავრობა იძულებული იქნეს სრულებით დასტოვოს ისპანია, ჩვენ მაინც ვერ ვიცნობთ უზურპატორებს. ასეთი მაგალითი ბევრია ისტორიაში და საერთაშორისო კანონმდებლობაში, როგორც მაგალითად ბელგიის მთავრობისა უკანასკნელ ომის დროს» (საქართველოს მაგალითი რასაკვირველია არ მოუყვანიათ). როგორ მოგწონთ ბუშმენების ფსიქოლოგია: «ქარგია როცა მე ვართმევ სხვას ცოლსა, ავია როცა მე მართმევინო».

ნაუტი.

**«კავკასიური ცივილიზაცია»**

ამ რამდენიმე თვის წინად ფრანგულ ენაზე გამოვიდა ჰამბურგის ეთნოგრაფიული მუზეუმის დირექტორის Art. Byhan-ის წიგნი *La civilisation caucasienne*, თარგმნილი ეთნოლოგიის ფრანგ პროფესორის Montandon-ის \*), რომელიც თავის წინასიტყვაობასაც უძღვნის გამოცემას.

წიგნი, რომლის ნახევარი დათმობილი აქვს ქართველებს, დაწვრილებით ავიწერს კავკასიელთა მატერიალურ და სულიერს ცხოვრებას, ზნე-ჩვეულებათ, ადათებს, თავისებურებას და შეიცავს ფრიად საინტერესო ეთნოგრაფიულ მასალებს, განსაკუთრებით უცხოელ მკითხველისათვის. მთარგმნელიც თავის წინასიტყვაობაში მეტად საყურადღებო აზრებს გამოსთქვამს კავკასიურ ცივილიზაციის შესახებ, მსოფლიო ისტორიის თვალსაზრისით.

ავტორი Byhan-ი თავში იძლევა კავკასიის გეოგრაფიულ პირობების აღწერას და შემდეგ ანაწილებს კავკასიის მკვიდრთ ტან-აგებულობის მიხედვით ოთხ კათეგორიად: წმინდა კავკასიური ტიპი,

პონტოური, ირანული და ურალ-ალტაური. ურალ-ალტაურს ეკუთვნიან ყუმუხები. მთის თათრები, ყაბარდოელები, ავარელების ნაწილი, სამხრეთ-დასავლეთის თურქები, შერეულნი ქართველებში და სხ. ირანული ტიპი ბინადრობს სამხრეთ-აღმოსავლეთ ნაწილში, ამას შეადგენენ სპარსელები, ტალიშები, ტატები, ქურთები და აზერბაიჯანელები. პონტოური ტიპი გვხვდება საქართველოს სამხედრო ზღის დასავლეთით ფოთამდე; ამ ტიპის წმინდა წარმომადგენელი არიან ჩერქეზთა ზოგიერთი თემები, ხოლო ჩერქეზეთის დანარჩენ თემთა და აფხაზეთის, სამეგრელოს, სვანეთის და იმერეთის მკვიდრნი იძლევიან შერეულს ტიპს. წმინდა კავკასიურ ტიპს უკავია სამხრეთ-დასავლეთი და ჩრდილო-აღმოსავლეთი, და სხ.

კავკასიურ ენების შესახებ Byhan-ი ამბობს, რომ ისინი განსხვავდებიან ევროპის და აზიის ყველა ენისაგან; მათ უნდა ჰქონდეთ ნათესაობა ბასკურსა (ბასსურსა) და სომხურთან. ალბად ქრისტეს დაბადებამდე მცირე აზიაში გაბატონებული ენები ეკუთვნოდნენ კავკასიურ ენების ჯგუფს და ეტრუსკული-ეტრუსხული (პელასგური, პელასური?), საფიქრებელია, ამ ჯგუფის ახლომდებელი იყო.

კავკასიის დღევანდელს მოსახლეობას შეადგენს ორი მთავარი ელემენტი: ერთს ეკუთვნიან წმინდა კავკასიელები, კავკასიის უძველესი მკვიდრნი, მეორე—შემდეგ სხვადასხვა დროს გადმოსახლებულნი და შემოხიზნულნი. წმინდა კავკასიელებად Byhan-ი სთვლის სამ ჯგუფს: 1) ქართველები ყველა თავის შტოთ; 2) ჩრდილო-დასავლეთის ჯგუფი—ჩერქეზები, რომლებიც თავიანთ თავს ადიგეს უწოდებენ, ქართველები კი ძველად—ჯიქებს ეძახდნენ. ჩერქეზები წინად მრავალრიცხოვან მოსახლეობას წარმოადგენდნენ, მაგრამ უმეტესობა შამილის დამარცხების შემდეგ ოსმალეთში გადასახლდა. ავტორი ამ ჯგუფს მიაწერს აფხაზებსაც (ავსუა აფხაზურად, ბერძნულად აბასგები—აბასები); 3) აღმოსავლეთის ჯგუფი—დაღესტანის და ჩაჩნეთის მკვიდრნი: ლესგები (ლესხები, ლასხები) და ჩაჩნები. ჩაჩნების მთავარი ტომები არიან საკუთრივ ჩაჩნები, მთის ჩაჩნები, ინგუშები, ქისტები. ლესგებს (ქართულად ლეკებს) ეკუთვნიან: ავარები, ლაკები ან ყაზიყუმუხელები, დარგუელები (დარლოელები), კურელები, ანდი დიდაელები.

არაწმინდა კავკასიელები, მერმე ჩამოსახლებულები არიან: 1) ინდოევროპიული მოდგმის—ოსები, სომხები, ქურთები, ტატები (75 ათასი, კასპიის ნაპირად ბაქოსა და ყუბას შუა), თალიშები (90 ათასი, ლენქორანის გარშემო), სპარსელები; 2) სემიტური მოდგმის—დაღესტან-ჩაჩნეთის და საქართველოს ებრაელები, და 3) თურანული (ან თურქ-თათრული) მოდგმის—აზერბაიჯანელები (ეკუთვნიან სპარსულ კულტურას), თურქები (ეკუთვნიან ოსმალურ-ქურთულ კულტურას), ყუმუხები (ბინადრობენ კასპიის ნაპირად დერბენტსა და პეტროვსკს შუა და მოზდოკის მახლობლად), ყარაჩაელები (ქართულად ყარაჯიქელები) და თათლუ (ორივე ჩრდილო-კავკასიაში, სვანეთის და აფხაზეთის საზღვარზე), ნოლაელები.

\*) Payot, Paris.

Byhan-ი იძლევა თავის წიგნში თითოეული კავ-  
კასიელი ერის თუ ტომის ფიზიკური ტიპის აღწე-  
რას, მათი ტანსაცმელის, სამკაულების, იარაღების,  
სახლის და მის მოწყობილობის, ავეჯის, საკრავი  
ინსტრუმენტების, მუშაობის, ნადირობის, მეურნე-  
ობის, ხელმსახობის, სოციალური ურთიერთობის,  
ქორწინების, დასაფლავების, ქალის და კაცის შრო-  
მის, სასმელ საქმელის, სათამაშოების, სამართლის,  
სარწმუნოების და ცრუ-მორწმუნოების, ძველი წარ-  
მართობის ნაშთების. როგორც უკვე იყო ნათქვამი,  
მეტი ყურადღება აქვს მიქცეული ქართველების  
ცხოვრების აღწერას—ცალკეა აწერილი ბარის ქარ-  
თველობა და ცალკე მთის—სვანები და თუშ-ფშავ-  
ხევსურები. მოკლედ მოყავს ისტორიული ცნობე-  
ბიცი. უნდა ითქვას, საერთოდ მისი აღწერილობა სი-  
ნამდვილეს გადმოგვცემს. ქართველ ერს ამ სიტყვე-  
ბით ახასიათებს: «ქართველები არიან ნიჭიერნი,  
რანდნი და მამაცინი, ამაყნი და გულწრფელნი, მხი-  
არულნი და ცოცხალნი» (გვ. 40). საკმაოდ ფართოდ  
ეხება ავტორი ჩერქეზ-აფხაზების და ლეკებ-ჩაჩნების  
ცხოვრების წესებს და ზნე-ჩვეულებას, აგრეთვე ოსე-  
ბის, მთიელ ებრაელების და თურანულ მოდგმის  
ზოგიერთი ტომისას.

Byhan-ი, როგორც ეთნოგრაფი, მხოლოდ აგვი-  
წერს ფაქტებს, სოციოლოგიურს, საერთო დასკვნებს  
არ აკეთებს, მაგრამ მკითხველი უნებურად მიაქცევს  
ყურადღებას, თუ რა ბევრი ერთობა და მსგავსებაა,  
განსაკუთრებით წმინდა კავკასიელების ადათებსა  
და წესებში. აღსანიშნავია დიდი ნათესავობა ქარ-  
თველების და ჩრდილო-კავკასიელების, რომელთაც  
ყოველთვის მკიდრო ურთიერთობა ჰქონდათ ერთ-  
მანეთთან ორი გზით უმთავრესად: აფხაზეთის და  
ფშავ-ხევსურეთით. ძვირფას დოკუმენტაციის იძ-  
ლევა ამ ერების და ტომების ძველი წარმართული  
სარწმუნოების ნაშთები: ცის მნათობთა, ხეების,  
წინაპართა სულების თაყვანისცემა. ქრისტიანობა  
საბოლოოდ მოისპო ჩერქეზეთსა და ლეკეთ ჩაჩნე-  
თში მხოლოდ მე-18 საუკუნეში, იქ დღესაც ბევრს შე-  
ხვდებით ეკლესიების ნანგრევებს, აქა-იქ მკვიდრნი  
ზოგს ქრისტიანულ დღესასწაულსაც უქმობენ. ოსე-  
თის ეკლესიების ნანგრევების შესახებ ხალხში ისე-  
თი გადმოცემაა, რომ თითქმის თამარის მეფობის  
დროს იყოს აგებული ყველა. შენახულია ზოგიერთი  
სიტყვა, მაგალ., ჩაჩნეთში «ჯოჯახეთ» (ქართული  
ჯოჯახეთი), «კხირუდე» (ქართული კვირადდე),  
რომელნიც ცხადად მოწმობენ, თუ რა ახლო დამო-  
კიდებულება ჰქონდა საქართველოს ჩრდილო კავკა-  
სიასთან და რა დიდი იყო მისი კულტურული და  
პოლიტიკური გავლენა. ქრისტიანობა ხომ უმთავ-  
რესად საქართველოს საშუალებით იყო გავრცელე-  
ბული ჩრდილო კავკასიელთა შორის.

უკვე ვთქვით, რომ Byhan-ის წიგნს უძღვის მთა-  
რგმელის საინტერესო წინასიტყვაობა, რომელიც  
მოუწოდებს ევროპიელ მეცნიერებს, ყურადღებით  
და დაკვირვებით შეისწავლონ კავკასია. Montandon-  
ის (მთარგმნელის) აზრით, წმინდა კავკასიელები  
(ძველი კავკასიელები ან პალეო-კავკასიელები) იპ-

ყრობენ ეთნოლოგის ღრმა პატივისცემას და ყურა-  
დღებას, ვინაიდან ეს კავკასიელები, ბასკებსა (ბას-  
ნებსა) და შეიძლება, ძველ ეტრუსკებთან (ეტრუსხე-  
ბთან) ერთად წარმოადგენენ იმ დიდი ეთნიური ოჯა-  
ხის ნაშთს, რომელიც მოსახლეობდა ევროპაში, ვი-  
დრე აქ მოვიდოდნენ ინდო-ევროპიელები. დღევანდე-  
ლი კავკასიური ცივილიზაციის გაცნობა საშუალე-  
ბას მოგვცემს დაახლოვებითი წარმოდგენა ვიქო-  
ნოთ ევროპის უძველეს ცივილიზაციაზე. Montan-  
don-ი ამბობს, რომ კავკასიელებმა ორი დიდი ეთ-  
ნიური სამყაროს შექმნევა განიცადეს—ერთი ინდო-  
ევროპიელების, განსაკუთრებით სამხრეთიდან (ირა-  
ნი არმენია-ანატოლია) და მეორე—თურანელ-მონ-  
გოლებისაგან, ჯერ ჩრდილოეთიდან და მერე სამხ-  
რეთიდანაც, როცა თურქები გაბატონდნენ კავკასიის  
სამხრეთ ნაწილში. მაგრამ ვერც ინდო-ევროპიულმა  
და ვერც თურან-მონგოლურმა ეთნიურობამ ვერ  
მოისპო კავკასიური. ხოლო კავკასიამ განიცადა ოთ-  
ხი დიდი გავლენა, რომელთაც ისე ღრმად შეარყიეს  
მისი ელემენტები, რომ ხანდახან ძველი გამოსარჩე-  
ვია, რომელია კავკასიური და რომელი შემორეუ-  
ლი. ეს ოთხი გავლენა იყო: ქრისტიანობა, ისლამი,  
რუსების დაპყრობა მე-19 საუკ. და ბოლშევიზმი.  
პირველი სამი გავლენა ასე თუ ისე მაინც პატივით  
ეპყრობოდა კავკასიის ეთნიურ ორგანიზაციას და  
ადათებს, ხოლო ბოლშევიზმი ძლიერ ემუქრება და  
თუ მისი ბატონობა გაგრძელდა, შესაძლებელია  
კავკასიის მთელი თავისებურობის და სახის წა-  
შლა...

ჩვენ გავაცანით მკითხველს მოკლედ წიგნის ში-  
ნარსი და საზი გავუსვით სოგიერთს მთავარ დებუ-  
ლებას. წიგნში დასმული საკითხები მოითხოვენ  
ვრცელს და კიდევ უფრო გაღრმავებულ შესწავლას.  
ეს ყველაზე უკეთესად შეუძლიათ თვით კავკასიელ  
მეცნიერებს, უპირველესად ქართველებს, რომელ-  
თაც გაცილებით მეტი მასალის გამოყენების საშუა-  
ლება აქვთ. კავკასია იძლევა, ჯერ თითქმის ხელუხ-  
ლებელს, ფრიად მდიდარს მასალას, რომელთა გა-  
მოკვლევა და შეფასება გააშუქებდა საერთოდ მრავალს  
საეთნოგრაფიო—სოციოლოგიურს, ისტორი-  
ულს, ლინგვისტიკურს სავანს. ევროპის მეცნიერება  
აქამდის ჯერჯერობა არ დაინტერესებულა კავკასიელ  
ერებითა და ტომებით. დარწმუნებული ვართ, ეს  
მდგომარეობა მალე შეიცვლება და Byhan-ის და  
Montandon-ის კვალს ბევრი გაყვება.

«კავკასიურ ცივილიზაციას» დართული აქვს  
ოთხმოცამდე სურათი ტექსტში და ცალკე ფურც-  
ლებზე, სამი რუკა და აგრეთვე ბიბლიოგრაფია გა-  
მოკვლევისა გერმანულ-ფრანგულ ინგლისურ ენე-  
ბზე. მათში ოთხი ქართველიცაა მოხსენებული  
(ნ. მარი, ფ. გოვიჩაიშვილი, გ. ნიორაძე და მ. წერე-  
თელი).

ბ. ფირცხალავა.



ბიზლიოზკაზია

ინდო ინასარი, ჩრდილი ერთი სინამდვილისა. რძმანი. 1936 წ. პარზიზი.

კიდევ ერთი ქართული წიგნი გამოვიდა აქ, პარიზში; ჩვენ დარწმუნებული ვართ, იგი სამოყვანებით იქნება მიღებული ჩვენს ემიგრანტულ წრეებში. ამ წიგნის წაკითხვა, ალბად, გამოიწვევს ახრთა გაცვლა-გამოცვლის საპირობებს, რადგან იგი წინ გვიყენებს მრავალ კითხვებს, და ყოველ შემთხვევაში, შემჩნევლად არ დარჩება.

თუ, საზოგადოდ, ის წიგნია კარგი, რომელიც აღამიანს ჩააფიქრებს, ეს, ბ-ნ ინასარის რომანიც, კარგ წიგნად ჩაითვლება.

სულ პირველად ყურადღებას იპყრობს კარგი ენა რომანისა, თავისუფალი ყოველი არა ქართული ფორმებისაგან, რუსიციზმებისა და სხვათა იზმებისაგან. წიგნს ეს დიდ ღირსებად უნდა ჩაეთვალოს, რადგან სიმართლე უნდა ითქვას, კარგი ქართულის ენით წერა ყოველთვის არა ხდება ხოლმე ჩვენს მწერლობაში. ვფიქრობთ ეს დამსახურება აიხსნება თვით ავტორის პიროვნებით, განსაკუთრებით იმით, რომ იგი უშუალოდ ხალხის შვილია, აღზდილი თავიანთი ქართულ ოჯახში (წიკითხეთ მისი წინასიტყვაობა), და სწავლა მიღებული იმ ქართულ სკოლა უნივერსიტეტში, რომელიც აღმოცენდა ჩვენს სამშობლოში ჩვენი დამოუკიდებლობის დროს, თუ ცოტა ადრე... ავტორი არა კმარობს მართლ იმას, რომ სწორე ქართული მეტყველობით გვებასება, იგი, სადაც სიტყვა შემოაკლდება ხოლმე ახრის გამოსათქმელად, თვით იგონებს ახალ სიტყვას. მაგრამ ეს სიტყვაც ნამდვილ ქართულ ფორმით არის მოცემული.

სიუჟეტი ბ-ნ ინასარის რომანისა გვისურათებს იმ ტრადიკულ მოვლენებს, თავი რომ იჩინა ჩვენს ხალხში რუსეთის დიდი რევოლუციის თანა მოყოლილ ამბების შემდეგ. მხატვრულად აწერილია ჩვენი ერის ბოლშევიკების მიერ მორალური, თუ ეკონომიური დაწიოკება-აკლება. სიუჟეტის აკინძვა ავტორს თავისებურ ფორმებში და «ხერხებში» აქვს მოცემული. ვისაც ეს წიგნი ჯერ არ წაუკითხავს, ჩვენ ვურჩევდით მას კითხვა თვით ავტორის შესავალ გვერდიდან დაიწყოს, რადგან ერთი მომქმედი პირთაგანი რომანისა უთუოდ თვით ავტორიც არის. და ეს არა იმიტომ, რომ მწერლის პიროვნება საზოგადოთ სჩანს ხოლმე ამა თუ იმ ტიპის ჩამოყალიბებაში და ეს ხომ ბუნებრივია ავტორისათვის. არა, აქ, ამ რომანში, ავტორი უშუალოდ შემოდის თავისი პიროვნებით, ახრით, შეხედულობით. იგი თითქმე შიშობს, ვაი თუ მკითხველი ვერ მიხვდეს, რა ამბებიც ხდება გარშემო და ხანდახან გულიდან ამონაკვესით, ხან სენტეციებით თუ ფილოსოფიური ქადაგით, სწორთვის მკითხველს, ყოველ შემთხვევაში ცდილობს მისი ყურადღების სიმები თავისებურად, როგორც ეს ავტორს უნდა, ისე მომართოს და ააწყოს. არ ვიცი, ჩვენი ლიტერატურული კრიტიკა რამდენად მოუწონებს ავტორს ამნაირს მისვლას და

ხერხს სიუჟეტის გადაშლაში. თითქმე სწორედ ეს ხერხი უნდა უშლიდეს მკითხველს, საცხებით მივინდოს იმ განცდებს, რომელიც ამ რომანში გადაშლილი ამბების განვითარებით არიან გამოწვეული. მაგრამ თანამედროვე ლიტერატურაში ამნაირი გაფორმება სიუჟეტის უფრო და უფრო ხშირად ხვდება მკითხველს და თუ ეს ნაკლია, იგი ჩვენი ავტორის მიერ არ არის პირველად შემოღებული, და თუ იგი ღირსებაა თანამედროვე რომანებისა, ეს ღირსებაც შეუთვისებია ჩვენს ახალგაზდა მწერალს. წიგნი განსაკუთრებით იპყრობს მკითხველის ყურადღებას ორი დიდი ფენი ჩვენი საზოგადოებისა—გლეხკაცობა და უნივერსიტეტის წრეები. ორთავ ფენას ავტორი კარგად იცნობს, რადგან თვით იქიდან არის გამოსული. სინტერესია ის მისვლა გლეხების მხატვრულად დასურათებაში, რომელიც ავტორს შეუთვისებია. აქამდე მეტ წილად, ჩვენი გლეხობა აწერილი იყო არა იმ ავტორებისაგან, რომელნიც თვით გლეხობას ეკუთვნოდნენ. ამ შემთხვევაში ხშირად გლეხის ტიპი როგორღაც «დაშქარული» გამოიღოდა, იყო ვადამეტებული იდეალიზაცია გლეხისა და მკითხველიც უნდობლად ეკიდებოდა ლიტერატურაში გამოყვანილ ხალხურ ტიპებს. ვგონებ არ ვცდებით, თუ ვიტყვით, რომ იშვიათად ცოცხალი გლეხის ტიპი მოცემულია ილიას «ოთარაანთ ქვრივში». სწორედ ეს ქვრივია დიდი ილიასაგან ნამდვილად დასურათებული და ამიტომ ქართველი მკითხველიც განსაკუთრებით სიყვარულით ეკიდება მას. სამაგიეროდ იმავე ილიას მოთხრობის გიორგი უკვე აღარ ატარებს ნატურალურ ფერებს. საკვირველია, რომ ბ-ნ ინასარის რომანში კვლავ ცოცხლობს ოთარაანთ ქვრივი. მისი ბია—გაგრძელება ოთარაანთ ქვრივის ტიპისა. მკითხველი დიდის სიყვარულით კითხულობს იმ ფურცლებს, სადაც ბია, ეს ქართული ოჯახის ბურჯი, დედა, გამოყვანილია. კარგი მხარე გლეხობის აწერაში ისიც არის, რომ ავტორი არ ერიდება დადებითი ტიპების გამოყვანის გვერდით უარყოფითი ტიპებიც მოიხსენიოს. ასეთივე მისვლაა სტუდენტობის აწერაშიც. სპეტაკი, მშვენიერი, გმირ ოტარიდის ან ტაბატანასთან ერთად გამოყვანილია ყოველად დაცემული პიროვნება, ჩეჩისტი გუბადი, ან ნახევრად ტირანი, ნახევრად ლაჩარი სხვა სტუდენტები. ეს დიდი ღირსებაა წიგნისა და ამ წინასწორობას მკითხველი უთუოდ მოუწონებს პატივცემულ ავტორს. თუ ეს რომანი პირველი ცდაა ავტორისა და ამით უნდა აიხსნას მისი ზოგი რამ მეტ-ნაკლებობა, სამაგიეროდ მთლად წიგნი იმედის მომცემია და ჩვენ დარწმუნებული ვართ, რომ ბ-ნ ინდო ინასარის მომავალი ნაშრომნიც დიდის ყურადღებით და ხალისით იქნება მიღებული ქართველი საზოგადოების მიერ.

გ. ქ.

ნ დეკემბერს 3 საათზე, 61 რაჟე მადამ 61, სამ. ფირცხალავა წიკითხავს ისტორიულ ესკიპებს თამარ მეფე: ტახტზე ასვლა—თამარი და რუსი-მიჯნური—დარბაზობა—ომი—მიცვლება.